

J. H. A. 33

1884

1884

1884

1884

1884

1884

JOANNIS PIERII
VALERIANI

BELLVNENSIS,

8.44.A.331

D E



LITERATORVM

INFELICITATE.

Libri Duo.

Pomus. Banhalcon




AMSTELODAMI,

Apud CORNELIUM JOANNIS
Bibliopolam prope novum Tem-
plum ad Scholas Latinas.

M DC XLVII.


25

Ex sacro. Frat. de Nubis



Amplissimo,
&
Spectatissimo Viro,
GUILIELMO
B A C K E R O,

Inclytæ
Amstelodamensis
Reipublicæ
C O N S U L I,
S. P.

 *Efero Tibi libellum, Vir
Amplissime, nunquam
hactenus ultra Alpes, nisi
à nobis, excusum. Est is Pierii
* 2 Vale-*

DEDICATIO.

Valeriani Contarenus; sive de Litteratorum calamitate, ob fortunæ incerta, dialogus. Hunc, in Musarum scriniis diu adservatum, juris fecit publici Aloysius Lollinus, Belluni, dum viveret, Episcopus: qui cùm autoris memoriæ, laudique vehementer faveret, extare etiam voluit inter cetera excultissimæ ejus eruditionis monumenta. Quandoquidem verò his in terris longè esset rarissimus, imò eruditorum paucis conspectus; idem tamen ob argumenti præstantiam lectu dignissimus, rem gratam me facturum putavi, si librum recuderem, ejusque nostris etiam hominibus copiam

DEDICATIO.

piam darem majorem. Visum itaque est, Te potissimum, Spectatissime Consul, Patronum adsumere cœpti operis; ut dignitatem, quam in Italia auxit Bellunensis Episcopus, apud nos continuaret Tua & Virtus, & auctoritas. Ea enim utraque tanta sunt, ut cùm innumeros inde fructus perceperit Respublica, majores tamen, melioresque, Te iterum Consule, sperare sibi auserit. Impulit me quoque devotionis erga Te indicandæ Studium; quam cùm in magnis non possim, lubens præsto in iis, quæ mearum sunt virium. Illa tamen tanta est, ac si in magnis foret; quantoque minor fa-

* 3

cul-

DEDICATIO.

*cultatis nostræ potestas, tanto major
devotionis, & observantiæ magni-
tudo. Vale Amplissime Vir, ac diu
inclytæ Amstelodamensis Reip.
bono vive incolumis.*

Dignitatis Tuæ

Devotissimus cultor,

CORNELIUS JOANNIS.

ELENCHUS LITERATORUM ;

De quorum infelicitate hoc
libro agitur.

A lmeric. Miniat. 127	Dominicus Sarrat. 138
Andr. Mengajus, 55	Donatus Polius, 35
Angelus Cæsius, 146	Fabius Calvus, 133
Angelus Politianus, 115	Francisc. Acolthis, 26
Anton. Amiterninus, 36	Franciscus Fortunius, 70
Anton. Flamminius, 35	Francisc. Palmerius, 93
Antonius Marosticus, 27	Franciscus Priulus, 74
Augustus Valrus, 37	Gabriel Zerbus, 63
B And. Prolomenus, 89	Galeatius Facin. 140
Bartol. Leonicus, 139	Gallcottus Narniens. 47
Bartolom. Tardolus, 90	Georg. Sauromanus, 142
Basilus, 96	Georgius Valla, 47
Bernardin. Camusius, 54	Gerius Valdambryn. 126
Bernardin. Capella, 249	H Adrianus Cardin. 17
C æsar Saccus, 132	Hercules Stroza. 32
Camillus Pontius, 15	Hermolaus Barbarus, 12
Camillus Paleottus, 40	Hieronym. Bononius, 52
Celsus Melinus, 98	Hieronymus Carbo, 29
Christop. Marcellus, 13	Hieronym. Donatus, 61
Christoph. Battus, 104	Hieronym. Melinus, 98
Codrus Urceus, 33	Hieronym. Massain. 117
Colotius, 65	Hieronym. Pisaurius, 52
Cornelius Benignus, 150	Hieronym. Savonar. 127
Cynthius Aconitan. 130	I acobus Constant. 135
D Aniel Gajetanus, 106	Iacobus Iacettus, 127
Dane. tert. Aliger, 59	Iacobus Paganus, 61
Demetrius Chalcon, 95	Ianus Pammonius, 22
	Ianus

IOANNIS PIERII
VALERIANI,
DE LITERATORUM
INFELICITATE,

Liber Primus.



CUM proximis diebus
famâ, de Clementis
Septimi, Pontificis Ma-
ximi, obitu vanis rumo-
ribus evagatâ, Hippolytus, & A-
lexander, nepotes ejus, Romam
expeditissimis itineribus profecti
essent; lentiùs ego cum comitatu
domestico subsequutus, postero
quàm in urbem ingressus sum die,
nihil antiquius duxi, quàm Ga-
sparem Contarenum, Oratorem
Venetum, invisere; quem virum
ingenio, doctrinâ, & summâ qua-
dam sapientiâ clarissimum à pri-
mis adolescentiæ annis assiduè
colueram. Verùm accidit, ut eo
ipso die, quo domum ejus acces-
seram, ipse piæ rei causa septem
sacrosancta Divûm pulvinaria
A sup-

supplicaturus inviserit, erant enim lustrici dies, quos unoquoque anno quadragenos purificationi consecravit nostra pietas. Vixq. pulsatis foribus herum domi non esse, & eò profectum responsum acceperam, iterq. simul ad Petrum Melinum, illisce ædibus haud procul habitantem, verteram, cum amici jucundissimi Laurentius Grana Siginorum Antistes, & Angelus Colotius incomparabili probitate vir, Græcè, & Latinè doctissimus, mihi obviam facti sunt, quos cum salutassem, & quò tenderent, interrogassem, ad rarissimum hunc, ædes indicantes, virum vultu admodum hilari responderunt. Quibus ego, frustra inquam, hodie huc accessistis: nam ego quoque eum salutaturus huc adveneram; verum eum domestici pulvinaria septem invisisse ajunt; quare nulla reliqua sit spes, ut hominis conspectu hodie fruamur. Sed quid obsecro negotii vobis apud illum est? quamquam insulsè me hoc interrogare sentio, qui probatissimos, literatissimosq. viros per-

con-

conter, quid illis negotii sit apud
omnifariæ Principem eruditionis.
Certè, suscepit Grana, poteras ex
te conjicere, quid acturi venera-
mus; quippe nulla alia de caussa,
nisi ut ab ejus congressu beatio-
res quodammodo discederemus;
quod & semper contigit, & he-
ri, & nudius tertius maximè bea-
ri visi sumus, cùm magno nos er-
rore liberavit, qui literatos om-
nes ad æumnas, & infelicitates
nasci, hoc præsertim tempore, su-
spicari cœperamus: eam ille opi-
nionem sapientissimâ disputatio-
ne sustulit, &, ne nos horum stu-
diorum usque adeò poeniteret,
effecit. Hic ego, Granam nun-
quam neque temerè, neque fictè
loqui solitum, longâ doctus con-
suetudine augurari cœpi, sermo-
nem eum ex eo genere fuisse,
quod Patavii trigesimo abhinc
anno in Contarenorum ædibus,
nunc apud ipsum Gasparè, nunc
apud ejus patruelem Marcum
Antonium Flavum, interdum et-
iam apud Andream Navagerium,
sæpè solitum conferi memine-
ram; cujus recordatione incensus,

obsecro inquam, mi Grana Pontifex, & tu Coloti, nequaquam mihi sermonis istius, quo vos à Contareno beari asseritis, explanationem inuideatis, ut hinc moerorem leniam, quem ex non invento Gaspare concepi. Hic Colotius.

Jamdudum enim, ut ex vultu animadvertēbam, erumpere gestiebat, sed Pontificis, qui loqui cœperat, reverentiâ subtricebat. Quem, inquit, sermonem quæris Pieri, nisi quantum ad nos pertinet, calamitosum, miserum, & infelicem; quantum verò ad Contareni sapientiam spectat, miseriarum omnium medelam, & allevationem. At cujusmodi tādē fuit, inquam; quam diu me eius desiderio torquebitis? Dicemus, inquit Colotius, ut etiam pro Pontifice Grana loquar, & totius rei seriem, unde orta est, & quo pacto processit, memoriter explicabimus: cupimus enim tuum hoc explere desiderium. Sed enim, quia platea hæc Agonalis tam longæ repetitioni incommoda est, positas è regione Melinas ingre-

ingrediamur ædes ; atque ibi sedentes in Petri nostri cryptoporticu, rem ipsam ab ovo tibi recitabimus. Optimè, inquit Grana; quò enim libentiùs Contareni exclusi colloquio divertamus? Opportunissimè, inquam ego : nam quia Contarenum domi non offenderam , ad Melinum rectà redibam. Hic Colorius sublatà cum ore manu , ò Geniorum inquit, vim , atque concordiam ! ò semper unanimes, quos idem afficit studium ! nam rebus etiam agendis spectrum idem eodem invitat tempore , & quod antiquissimus ait Poëta : ἄγχι δὲ τὸν ὄμμιον παρὲς τὸν ὄμμιον. Sed ecce vobis Melinum à limine nos invitantem; in tempore omnia. Cùm igitur ingressi essemus , & Melinus scamna afferri jussisset, nosq. ad sedissemus;

Quorsum, inquit Melinus, vobis iter erat, aut qui vos mihi jucundissimas animas casùsve, consiliùmve , in unum coëgit ? ad te inquit Grana, divertimus, posteaquam Contarenum, ad quem sermonem hesternum continuaturi

accesseramus, domi pon inven-
 ramus. Rectè suscepit Melinus,
 sermonis hesterni mentionem
 Pontifex fecisti. Nam hodie ve-
 strum aliquem ardentissimè cu-
 piebam, quem percontarer, quiq.
 rem omnem mihi pernarraret; si-
 quidem in hoc ipso limine confi-
 stenti mihi heri admodum vesperi
 Ioannes Antonius Pollio ex æ-
 quo summam complexus erat, sed
 quia festinandū illi erat ad Ponti-
 ficem Maximum, ut cœnanti ad-
 sisteret, diutiùs mecum morari
 non potuit, mihiq. meo unius
 commodo illi esse incommodum
 religio fuit. Aiebat autem se in-
 terfuisse sermoni vestro, & ita me
 unâ tantum scintillâ incenderat,
 ut noctem hanc præ desiderio in-
 quietiorem habuerim, erámque
 nunc puerum ad aliquem vestrum
 missurus, quando ipse ad vos ac-
 cedere non poteram: nostis enim
 qua me de causâ contineam do-
 mi, quique hostes clam capiti im-
 mineant meo; sed agite jam, quic-
 quid illud fuerit, explicate. Di-
 cam, excepit GRANA, & pri-
 mus dicam, quia me nuper, ut ad
 te

teirem, per chirographum invita-
ras, & Colotius ex itinere feſſus
eſt, ab hortis enim ſuis, ex pedibus
etiã laborans, huc venit. Acceſſe-
ramus heri ad Contarenũ Colo-
tius, & Joannes Antonius Pollio
mecũ; quòd quidem per hos dies,
quibus Princeps gravi adeò vale-
tudine ducubuit, otioſiorem hunc
naſti, frequẽtiũs feceramus; mul-
taque inter alia de literis, & lite-
ratis per unamquamque ætatem
percurreramus. Ad hæc quæſitũ
à declinatione Imperiũ Romani,
quænã ætas literis magis florere
viſa fuerit: neque ulla comperta
eſt, quæ tempori nunc elabenti
anteferenda videretur. Tam cla-
ri octuageſimo abhinc anno viri
extitere, qui certare cum anti-
quitate, alii ingenio, alii eruditio-
ne, alii eloquentiã, comperiuntur.
Cũque deventum eſſet ad eo-
rum nomenclaturam, urbes aliæ
vix unum, aut duos, aut tres ad
ſummum habuiſſe deprendeban-
tur, quos in hoc album referre
congruum videretur; urbem au-
tem Romam, utpote communem
orbis totius patriam, ita litera-
torum

torum copiâ fertilem, & abundantem intuebamur, sive ipsa suos ostentaret, sive peregrinos gremio susceptos aluisse, & inter suos fouisse gloriaretur; ut in ea ipsa demum per annos aliquot major literatorum proventus fuerit, quàm in reliqua universa Italia. Quo constituto, interrogavit POLLIO Contarenũ, an eo ipso iudicio esset, & qui multorũ mores hominum cognovisset, urbẽsque, & nationes varias perlustrasset, ita, necne esse comperisset. Quo ita quidẽ esse affirmante, quæsiuit insuper ex eo, quantum Romanis delectaretur ingeniis, quem usum, aut fructum ex eorum consuetudine perciperet. Hic CONTARENUS profundissimo suspirio ducto, nullũ mercede, inquit, tempus fuit, ex quo literarum studiis delectari cæpi, ut non hoc unum maximè concupierim; occasionem aliquando mihi dari Romam invisendi, ut quæ hinc florere ingenia omnium prædicatione acceperã, præsens inspicerem; & optatissimã eorum fruerer consuetudine. Accidit autem

tem superiore anno, ut vix ad Senatum meum retulerim de iis, quæ in Hispana legatione apud Carolum Cæsarem gesseram, cum me patres, civésq; mei, Legatum ad Pontificem summum destinarent: quod quidem munus, & si alienissimo tempore mihi demandatum intelligebam, turbantibus non totius modò Italiæ, sed orbis universi rebus, & Pontifice ipso, qui ex arce Ælia profugerat, prope modum extorre: in eam tamen erectus spem, ut vel suâ ipse providentiâ motus, vel meo, & aliorum consilio persuasus, ad sedem suam, sedatis aliquando Romæ rebus, reverteretur, atq; ita Romam videndi causa, & opportunitas mihi concederetur; aliquanto hilarius provinciam suscepi. Pontificem itaque, cum Romam revirescere constituisset, subsecuti sumus. Sed is statim gravissimo, quo affectus est morbo, magnâ nos identidem sollicitudine affecit; quam ut quoquomodo lenire conareremur; quoniam Principe tam malè affecto nullus erat negotiis neque publicis, neq; privatis lo-

cus, eò me convertérã, ut vestro-
rum ingeniorum cognitione, con-
suetudinèq; me oblectarem. Sed,
bone Deus, cum primũ cœpi Phi-
losophos, Oratores, Poetas, Græ-
carum, Latinarumque literarum
professores, quos in Commenta-
rio conscriptos habebã, perqui-
rere, quanta, quàmque crudelis
tragoedia mihi oblata est, qui lite-
ratos viros, quos me visurum spe-
rabã, tanto numero comperiebã
miserabiliter occubuisse, atrocis-
simãq; fati acerbitate sublatos, in-
dignissimisq; affectos infortuniis,
alios peste interceptos, alios in
exilio, & inopia oppressos, hos
ferro trucidatos, illos diuturnis
cruciatibus absũptos, alios, quod
ærumnarũ omnium atrocissimũ
arbitror, ultro sibi mortem con-
scivisse. Quæ quidẽ tot excellen-
tium hominum calamitates, pri-
mo eo impetu, quanto me do-
lore affecerint, vix unquam fando
explicare possem. Quòd nisi vos
saltem, & paucissimos alios com-
perissem, meæ me istuc profectio-
nis, meique hujus invisendi Ro-
mam studiũ pænitere jam occœ-
perat.

perat. Hic POLLIO Contareni
secutus argumentum; Miserum
inquit, & lamentatione dignum
est, non inficior, tot claros lite-
raturâ viros Romæ jam brevi
temporis curriculo, & quod in-
felicius est, miserabili ferè omnes
mortis genere defecisse. Sed hu-
jusmodi clades, quo majori nu-
mero editæ sunt, eò sunt de testa-
biliore. Longè igitur miseriùs,
atque flebiliùs est, per universam
etiam Europam ætate nostra bo-
nas literas ita fatorum inclemen-
tiâ vexatas, ut nulla jam provin-
cia sit, civitas nulla, nullum op-
pidum, in quo quadragesimo ab-
hinc anno non aliqua insignis ca-
lamitas in hoc hominum genus
incubuerit. Ita nostro sæculo
tempestat hæc in optimos quos-
que effusa est, atque adeò non
nostras tantum regiones, sed
& universum terrarum orbem,
omnifaræ doctrinæ luminibus
orbavit. Videtis enim, audi-
tisque passim bonos omnes
indignissimis ærumnarum o-
mnium casibus afflictos, pau-
cissimòsque admodum enu-
merare

merare possumus, qui felici usque
vel vitâ, vel senio, leniori mortis
genere occubuerint; &, ut vera
vobis fatear, quoniam hæc ini-
quioris fortunæ tela literatos
præcipuè conficere videntur,
quamvis ego horum hominum
industriam, & virtutes unicè a-
mem, observémq; eorū tamē of-
fensus damnis, ærumnosissimū re-
rū omnium arbitror scire literas.

Ætate autē nostrâ boni omnes
perpetuâ quadâ calamitate exa-
gitati, aut vitam, aut mortem for-
titi sunt infelicissimam. Nam eos
tantum ante oculos mihi propo-
no, quorum, dum viverent, virtus
nobis in conspectu clara, cele-
brisque fuit; quorum si vitam, aut
exitum memoriâ repetamus, om-
nes ferè vel insuaviter vixisse, aut
vitâ miserabiliter decessisse com-
periemus.

*Hermo-
laus Bar-
barus.*

Et ut ab optimis incipiam, Her-
molaus Barbarus Orator, Sena-
torq; vester optimus, Contarene,
vir, quod omnes fatentur, ætate
suâ literatissimus, eo ipso tem-
pore, quo aliquam studiis suis
quietem se adsecutum arbitraba-
tur,

tur , dum Romæ apud Alexandrum Sextum, Pontificem Maximum, Venetæ nobilitatis nomine Oratorem agit, summisq; vigiliis inter mortuam bonarum literarum, neque non & disciplinarum gloriam suscitatur, ob susceptum inconsulto Senatu suo Aquilegiense sacerdotium, exsul factus, & de possessione ejectus, vitam in opem aliquandiu traxit, Alexandri Pontificis summi sportulâ quodammodo sustentatus, paucis verò post mensibus pestilentia contactus, desertus ab omnibus, infelicissimo mortis genere oppressus est: quique laudatione, & eloquentiâ suâ innumeros ætatis suæ homines illustraverat, & funere, & honore sepulchri ita defraudatus est, ut ubi sepultus, quòve hominis cadaver conjectum fuerit, ignoretur.

Proximis autem diebus *Christo-* Christophorus Marcellus, ut nostri *phorus* ordinis homines percurram, singularare vestri patriciatûs ornamentum, quo ingenio, qua doctrina, qua eloquentia, qua insuper morum integritate vir, ipse quo-

quoq; longè aliâ fortunatâ, atq;
 ejus pietas, & dignitas postula-
 bat, indignissimóq; tali probita-
 te, & eruditione exitu surreptus
 est nobis. Primarius enim Corcy-
 rensiū Flamen Clementi nostro,
 Pontifici Maximo, ob egregias
 has animi dotes acceptissimus,
 dū in dies longè amplioribus ab
 eo honoribus honestandus est, in
 proximâ incidit Romanarum re-
 rum calamitatem, ex qua ab Hi-
 spanis, qui nuper urbem Romam
 clam aggressi captam diripuerunt,
 in captivitatem ipse abactus, bonis
 & suis, & suorum omnium expo-
 liatus, quæ immanissimorum homi-
 num, Italici nominis odio, crude-
 litas fuit, multis affectus tormen-
 tis, cum intolerabilia, quæ illi fla-
 gitabant, tributa solvendo non
 esset, perditisq; rebus omnibus,
 qua se spe, vel cujus auxilio, &
 ope sustentare posset, non haberet,
 Cajetæ animam miserabiliter ex-
 halavit. Ajunt enim Hispanos, po-
 steaquam se auri, quod poposce-
 rant, spe dejectos intellexerunt,
 clarissimum hunc virum catenam
 religatum, nudum sub Dio ad ar-
 boris

boris cujusdā truncum exposuisse, singulisque diebus digiros ejus singulos exungulasse, eūque ita demū inter atrocissimos eōs cruciatus, fame insuper, & vigilia, & diurni, nocturnique aëris inclementiā necatum.

Camillus Portius, ut meos quoque cives, in scenam hanc inducam, quantæ fuerit celebritatis, ignorat nemo, siue ille Romanam cathedram magno omnium stupore, & admiratione decoraret, siue pro rostris declamaret, ut nihil ejus dictione suavius, nihil jucundius, nihil expolitius haberetur. Is tamen simulac ab Leone Decimo Pontifice Maximo Aprutinae est Ecclesiae praefectus, acerbissimā diuturni cujusdā morbi, nulli medicorum cogniti, correptus inclementiā, postquā miserabili cruciatu menses plurimos decubuit afflictor, morbi demū ejus truculentiā, & totius corporis doloribus oppressus, virēte adhuc ætate animā egit, incredibili apud omnes sui relicto desiderio.

Neque Marci Musuri sortem quisquam lætam dixerit; qui licet
Camillus Portius.
Marcius Musurus.
& Pa-

& Patauii, & Venetiis apud nobilitatem vestram summâ omnium commendatione, & gratiâ complures annos Græcas literas docuisset, & doctrinæ nomine ab Leone Decimo, Pontifice Maximo, duplici flaminis honore decoratus, à Julio, ejus Pontificis fratre, tunc Cardinali sacerdote, qui nunc est summus Pontifex, in amicitiam susceptus, magnâ omnium dilectione coleretur, nescio quâ tamen animi mæstitia clam exulceratus, ut qui nō modò non dignitatem ullam, aut beneficii commodum in eo vitæ colore duceret, qui hominum opinione judicatur amplissimus, sed sibi summâ in libertate versari solito, summam etiam deformitatem, & miseriam arbitraretur, in occultum ex ea cura incidit morbum; cujus nulli Medicorū causâ cognitâ, interq; tacitas anxietates, miserrimasq; fortunæ suæ deplorationes diutissimè vexatus, expiravit. Hæc cum verbosius fortè, quàm tanti viri reverentia postulabat, ore excidissent, utq; importunitati meæ veniam daret, postu-

postularem : Immò perge , ait
Contarenus, & si qua hujusmodi
exempla habes, quæ infelicia pu-
tes, omnia profer in medium. Hic
ego audentior factus , Quid in-
quam, unquam lætabile habuit
Hadrianus Cardinalis Corneta-
nus, emunctissimæ latinitatis au-
ctor, beneficio Alexandri Sexti
Pont. Max., cui fuerat à secretis,
ad id honoris evectus, sub Iulio
Secundo Pont. Max. mox exul
factus, & acerbissimis percussus
edictis, annos aliquot in Germa-
nicis Rhetorum alpibus obscurâ,
& sordidâ peregrinatione deli-
tuit. Defuncto mox Iulio, eique
Leone suffecto, profanissimæ in-
talem Principem conjurationis
consciis fuit, qua patefacta, ve-
niâq; ab humanissimo Pontifice
impetratâ, diplomateq; absolu-
tionis accepto, suæ stimulo con-
scientiæ exulceratus, noctu clam
fugam arripuit, neque quò abie-
rit, neque ubi sit, quattuordecim
jam annorū spatio quisquam po-
tuit explorare. Constans tamen
opinio est, eum insuto in interio-
rem toracem auro oneratum, co-
mitis

*Hadria-
nus Car-
dinalis.*

mitis famuli perfidiâ oppressû, au-
 roq; surrepto cadaver in solitariû
 aliquem locum abjectû occulta-
 ri. Huic exemplo nō absimili adii-
 ciendus est Alphonsus Petrucius,
 Pandulphi, qui Senas quam diu
 vixit, quietâ semper dominatio-
 ne rexerat, filius, Græcis, Latinisq;
 literis à Severo Monacho non le-
 viter eruditus, à patre; ob inge-
 nium ad disciplinas aptum sacer-
 dotio destinatus, ab Iulio II. Se-
 natoriâ purpurâ, Cardinaliq; pileo
 decoratus. Is puer admodû à Bor-
 gesio germano fratre, jâ tum pue-
 ro, & paternæ administrationi
 aspirante cultro impetitus, parû
 abfuit, quin ad vitæ perniciem ju-
 gularetur. Nam fædâ in gutture
 cicatricem dissimulare nunquam
 potuit. Ubi adolevit, & in sacro
 Senatu Romæ Rempublicam ad-
 ministrare cœpit, Leonis Decimi
 tempore rerum Senensîû suspici-
 one alienatus à Principe, fædissi-
 mæ illi conjurationi, quæ in Leo-
 nis vitâ facta est, non solum inter-
 fuisse, verûm etiâ præfuisse dela-
 tus est. Quâ detectâ cum ipse ca-
 ptus, & in carcerē conjectus, con-
 victus-

viſtusq; ſcleris eſſet, in Hadriani mole, nondum octavum, & vigefimū ætatis annū excedens, fracto gutture ſublatus eſt. Sed enim, ut in hoc fortunæ ludibrio nihil ulterius quæramus, Leo X. Pont. Max., nullo nō doctrinæ genere inſtitutus, Græcis, Latinisq; literis optimè eruditus, acerrimiq; judiciū vir, & ſeu ſolutā orationē ſcriberet, ſeu carmē pangeret, laudē in utroq; meritis, infelicitatis inſidias evaſiſſe fortè videatur, qui vixdum ex juvena egreſſus ad Pontificatū ſummo gradu, auctoritate, & opibus florentem, evectus ſit. Sed ſi quis etiam præteritis iis, quæ antea ctā ætate pertulerat, exilio, egeſtate, peregrinatione, captivitate, & innumera- bilibus aliis ærumnis, ea tantum inſpexerit, quæ Pontifex aſſiduè perpeſſus eſt, maximè vereor, ne hunc inter literatorum infeliciffimos ſtatuat, qui vitam omnibus fortunæ telis oppoſitam habuiſſe videatur. Is enim, ut à domeſticis, & in proprio corpore ſævientibus incommodis ordiamur, ſup- purationis quodam in ſede mor-
bo,

bo, quo ferè semper laboraverat, nullam unquam horam neque diurnam, neq; nocturnam quietam habuit, dilectissimarum mox sororum morte exulceratus, immaturo Iuliani fratris, quem tanquam oculos suos amabat, obitu, mox & unici nepotis, Petri fratris germani filii, jam tum Umbriæ Ducis, jam Francorum Regis affinitate dignati, vulnere lethali sub obsidione cujusdam castris accepto, ad vitæ usque desperationem adducti, paucisq; post mensibus ex diuturnâ, qua computruerat elephantia sic florida ætate absumpti, funere graviter contristatus, conjurationibus demum multorum, atque etiam intimorum, in vitæ discrimina non semel adductus. In gravissimum inde bellum adversus Gallorum Regē attractus, non solum ærarium exhaustit, verum & patrimonium oppignoravit, suisque jam deficientibus, & ferè totas amicorum opes absumpsit: tum immaturâ præventus morte, cum bellum jam Iulii Cardinalis fratris virtute confici posse sperare

cæpe-

cæperat, subitaneo, breviq; morbo exceptus, interturbata, subversa; omnia dereliquit. Quodque longè infelicius bono Principi fuit, ab obitu cū maledicentissimis omniū libellis infamatus esset, in Senatu toties de nomine, deq; actis ejus abolendis per adversæ factionis hostes actitatum. Quod nulli antea Pontifici post obitum accidisse neque legimus, neque meminimus. Adde omniū ferè literatorum amicorum querelas, qui tranquillitatem sub literato Principe sibi quisq; suam proposuerat, cū ea decepti spe, vix duobus, aut etiam altero ad summum exceptis, in miseria, & calamitate omnes destituti jacuerint. Hic tacuerat Grana, quasi aliorum, si qui memoriæ succurrerent, casus meditaretur: tacebant. & alii omnes, dum unusquisque magnum fortunæ ludibrium in Leone secum taciti meditabantur; tantum, talēque Pontificem ad benè de universo humano genere promerendum, genitum, eo ipso tempore interceptum, suspirantes, quo, si paululum supervi-

xisset,



xissent, facile omnium desideria fuerat expleturus, cum POL-
LIO nactus ex omnium silentio occasionem, ita subiecit. Poterat quidem, GRANA, fors Leonis Decimi, si quis æquè rem perpendat, locupletissimum humanæ infelicitatis exemplum esse, sed tua hæc Pontificum tot tam summorum, quàm inferiorum, commemoratio admonuit me Jani Quinquæcclesiensis Antistitis, quem quia vobis ignotum arbitror, qui res Pannonicas haud ita fortè curaveritis, quia tamen is vir admodum probus fuit, & literatum principatum in ea Provincia tenuit, quod mihi superiore legatione meâ, à Leone Decimo demandata, satis exploratum est, insignem quandam hominis calamitatem recitare à sermonis, quem jam inchoavimus, serie alienum non erit. Nihil enim ejus morte miserabilius, nihil ejus fortuna fuit unquam infelicius. Quippe is latinas literas acquisiturus, ab extremis usque Pannoniis in Italiam transmigravit; Guarinum Veronensem non

*Ianus
Panno-
nius.*



non incelebrem eo tempore Grammaticum nactus, sub eo ita profecit, ut elegiarum scriptor non inelegans haberetur: in patriam demum ad Matthiam Pannoniæ Regem se contulit, paucisque post diebus beneficentissimi in literatos omnes Regis voto Quinqueecclesiensi est ecclesiæ præfectus. Sed diebus multò post paucioribus vehementer quosdam expertus est invidere dignitati suæ, à quibus cum fædè calumniatus esset, Regi, viro alioqui optimo, sed nimirum credulo, suspectus adeò esse cœpit, ut pro delato nuper honore vita hominis deposceretur. Quod periculum Janus cum impendere sibi perspexisset, fortunamq; non solum adversam, sed funditus everfam intelligeret, declinaturus Regis ferociam, speransq; diem veritatis parentē meliora paraturā, apud amicum, collegiatæ cujusdam ecclesiæ præpositū, instituit delitescere, ibiq; omnibus ornamentis, atque præfidiis privatus, iisque amissis, quæ erat maximis & laboribus, & vigiliis adeptus, mise-

miserabili solitudine ita contabuit, et plenus timoribus, & miseriis, nulli deinceps neque cognitus, neque visus, gravi, diuturnâque dysenteriâ vexatus, occubuerit. Clanculûmque ab hospite in arcam pice oblitam inclusus, per duos fermè annos insepultus adservatus est. Neque perpetua tamen fuit Matthiæ Regis indignatio, qui aliquo post tempore, cum furor iste deferbuisset, de Iano demum cogitare cæpit; mirificum enim huic succerat Iani desiderium, diuque de homine percontatus, cum inveniri nusquam reperisset, præmium etiam indici proposuit; fortèque accidit, ut Rex ergò rei sacræ templum id inviseret, cui Iani hospes præfectus erat: qui ad Regis pedes accedens veniam prius deprecatus est, quòd tanti Regis exulem apud se recepisset: quâ impetratâ, si vis inquit, ò Rex, Ianum tuum invenire, diætas nostras invisere ne graveris, ibi enim Ianum apud me latitantem deprehendes. Nihil conctatus Rex contiguas templo hospitis huius ædes ingreditur,

tur, qui ostenso illi ligneo conditorio pice perlito, & in arce familiaris speciem fabrefacto: --- Illic, inquit, Janus tuus jam biennium delitescit, & tui, & Regum omnium securus. Quare te obsecro, ut promissi præmi loco patiare tantum cadaver ejus, ut Præsulem decet, honorificè sepe-
liri. Conversum est Regis gaudium in apertissimam mæstitiam, atque misericordiam, & Ædituo non tantum indulgit, ut Janum sepeliret, verum pro officio, & pietate, quam erga Janum exhibuerat, eum in ejusdem ecclesiæ, cui Ianus præfectus fuerat, Episcopum surrogari procuravit. Eoque tunc demum tempore Ianus Regis sui judicio honestatus est, quo nullo honorum sensu affici poterat, nulla rerum humanarum voluptate deliniri. Finierat Pollio, omnesque indignam infelicitis Antistitis sortem miserari videbantur; erantque è nostris, qui cum lucubrationes hujus inspe-
xissent, & industriam, & ingenium hominis haud improbarent. Tum ego sermonem meum con-

B

tinua-

*Franci-
scus A-
colthis.*

tinuaturus. An non, inquam, inter calamitosæ sortis homines adnumerandus etiam est Franciscus Acolthis, Petri Cardinalis patruī beneficio Anconitanus Præsul. Namque is egregiæ indolis, & elegantis litteraturæ juvenis, fatorum primū acerbitalē tunc expertus est, cū repentino de cælo tactus fulmine vestimentis ob os incensis, ita territus est, ut parum abfuerit, quin extingueretur; paullò post pestilentia illā correptus, quæ cum Adriano Sexto advecta Romam invasit, ut ejusmodi contagione fieri solet, à clientibus omnibus derelictus, unius Benedicti fratris germani, qui nunc sacerdos Cardinalis est, ope, & officio sustentatus, qui pietatem erga fratrem, multis abhinc sæculis rarissimā, professus, dum ejus morbum suis ipsemet manibus curat, cibum ministrat, ulceribus medetur, eādem ipse quoq; mox peste contactus, nunquam absterreri potuit, quin operam illi assiduam navaret: Francisco precibus identidem deposcente,

ut

ut absisteret, vitæq; ille suæ parceret, quando ipse omnem salutis spem abjecisset; sæviente autem morbo paucorum dierum intervallo peremptus, magnam, quæ de profectu ejus excitata erat, spem cum omnium mœrore fefellit. Et ut à nostro demum ordine recedamus, nunquam Antonii Marostici sine dolore meminerimus, quē vestra, Contarene, regio ad nos miserat, quem Colotius, quem docti omnes Romæ & amabant, & venerabantur: is dum apud Cardinalem Pisanū in honore habetur, & diu expectatam studiis suis quietem jamjā se somniat affecutum, repentinā epidemiæ contagione correptus, vix triduum tanto suffecit cruciatui. Mortuus igitur eo modo, eò afflictiore quàm cæteri conditione fuit, quod pleraque ejus scripta, quæ vitam illi dubio procul reparatura erant, unà cum reliquo instrumento concremata sunt, ut moris est, ad expurgandam morbi ejus contagieiē. Rodericus verò Lusitanus summæ juvenis eruditionis, Mathematicarum.

carum scientissimus, quas non ut multi barbarè, sed vel Græcè, vel Latine, idque castigatissime profitebatur, miræ prorsus in docendo dexteritatis, & diligentiae, Ægidium Cardinalem in Hispaniis nactus, qui magnis de rebus ad Carolum Imperatorem pro Christiana pietate missus fuerat, rarissimam hominis eruditionem, & sapientiam admiratus, eum in Italiam secutus, cum Romæ doctrinam suam propalasset, eruditorum omnium concursu frequentari cæpit, mox rebus tunc florentibus Romanâ cathedrâ honestatus in ea incidit tempora, quæ omnium calamitosissima semper appellabuntur, à latronibus enim Romæ vastatoribus malè habitus in ipso iuventutis flore pestilentia, quæ statim in cladem illam incubuit, fertur absumptus. Ingemuit Colotius ad amici tam docti recordationem, & Pollio suspirio visus est eum desiderare, addiditque Contarenus se, & apud Venetos suos, & in Hispaniis celeberrimum hujus juvenis

nis nomen audivisse.

Mox ego. Hieronymi autem *Hierony-*
Carbonis viri ex nobilitate Nea- *min Car-*
politana summi gloria longè *ba.*
clarior est, quàm nostro potuit
crescere testimonio. Hic inter
eruditissimos à Pontano cele-
bratus, ab Actio summè com-
mendatus, doctissimis ingenii
sui monumentis eruditorum de
se omnium expectationem exæ-
quarat. Neque tamen is, qui
totum vitæ tempus bonis arti-
bus impenderat, eandem hanc
inclementiam fati potuit evita-
re. Siquidem gravissimo eo, &
pestilentissimo anno, quo Roma
toties direptionibus objectata
est, in Neapolitano ille otio quie-
tus, pestilentia oppressus infeli-
citer occubuit.

Hunc sequutus idem Petri
Gravinæ exitus, cujus tam mo-
rum, quàm scriptorum elegantia
nimirum exigere videbatur, ut
qui per innocentiam, & laudabi-
lem studiorum industriam vitam
omnem exegerat, æquiore frue-
retur fato. Hic tamen ea corre-
ptus pestilentia, quam Hispa-

*Iosiphon
Samue-
lis.*

ni Romæ prædatores Neapolim intulere à carissimo quoque destitutus in eâ miserâ defecit. Ad-
dam his Iosiphonta Samuelis, quo Iulius Secundus Pont. Max. affi-
duè usus est Medico, filiū, qui Phi-
losophiæ, & Mathematicis impē-
sissimam operā navaverat, literis Hebraicis sub ipso patre mirifi-
cè profecerat, neq; patriâ eâ con-
tentus eruditione, Græcas etiam affectaverat, Latinas autē ita didi-
cerat, ut & vorsæ, & prorsæ ora-
tionis candore, & elegantia, æqua-
les omnes Romæ provocaret, æ-
quumq; cum universa juventure pedem ferret. Moribus ad hæc in-
tegrissimis præditus erat, ut nihil in iuvene præter Christianæ pie-
tatis cognitionem desiderares. Is autem iniquissimis, atque acer-
bissimis incommodis, multisque jacturis, & bonorum suorum di-
reptionibus, afflictus. Nam sta-
tim post patris obitum fortunas suas eò dissipari sensit, quo pa-
ternus servus arcæ ejus numma-
riâ perfractâ multis nummorum aureorum millibus surreptis, By-
zantium usque profugit. Eum sub-

subsecutus Iosiphon non modo exclusus est à portu, profugioque omni, sed etiam injuriæ vulneri confossus, quod à mendacissimo eodem furari servo pro Pontificis Romani exploratore delatus, ægrè vitam à Turcarum crudelitate defendit. Re demum infectâ, fortunâque modis omnibus eâ peregrinatione miserabiliter afflictâ, Romam se receperat, cùm ecce haud multos post annos calamitosissima Romæ tempora accidere. Ita ille scelestissimo latrocinio expoliatus, captus, excruciat, quæ temporis illius fuere miserrima quæque perpeffus est, cùmque à latronibus quattuor die noctuque custodiretur, qui magnam ab eo pecuniarum vim efflagitabant, in tempestâ nocte custodiis somno, vinoque sepultis, unam interiori lini indutus tunicam, nudis pedibus incedens fefellerat, & Tybur versus arrepto itinere in Varronis vicum aufugerat. Ibi sæviente pestilentia cùm statim contactus esset, oppido ejicitur, & in agrum relegatus, ubi tuguriolo

riolo angustissimo coniectus, cum neminem haberet, qui vel aquæ haustum subministraret, miserrima fame, sitique potius, quàm morbi turculentiâ superatus interiit. Commemorare autem vobis plerosque alios possem, qui adeò hac tetra labe contabuerunt, sed mihi succurrunt alii vel ferro, vel violentiori aliquo mortis genere exanimati, quorum sortem nemo non miserabilem arbitretur.

*Hercules
Stroza.*

Hercules enim Stroza tam generis, quàm ingenii nobilitate clarus, Poëta nostro tempore non incelebris, quàm luctuoso nobis ereptus funere? dum enim ab amici cæna noctu sed domum recipiebat; Ferrariæ, urbe patria, in latronum incidit globum, contra quorum impetum crudelissimam salutem suam defendere non potuit, statimque multis acceptis vulneribus, virenti adhuc ætate vitam indignantem multo cum sanguine fudit. Neque unquam, qui vim illi attulisset, inventus est, nisi quod potentiorum
rum

rum inimicitias suscepisse ferebatur. At Ioannes Regius Venerus sub Alexandro Sexto Palatinus Bibliothecarius, vir dubio procul & Græcè, & Latine doctissimus, dum studiis bonarum artium operam navat indefinentem, suasque res tantum agit, iniquissimo Alexandri Sexti tempore in arcano proscriptorum albo positus, dum bona ejus appetuntur Viterbii, quò se valetudinis causa receperat, veneno sublatus est. Scripta ejus in Plutarchum plurima ab iis, qui alienæ invidebant gloriæ, suppressa partim evanuerunt, partim laudem furibus peperere. *Codrus*
Urceus.
Codrus autem Urceus Ravenas, multæ, variæque doctrinæ vir, eruditissimis plerisque scriptis, quæ nunc edita sunt, omnibus innotuit. Is quoque sanguinariâ peremptus est morte, ab adversæ factionis latronibus fædissime trucidatus.

Noster autem Mutius Arelus Mantuanns, magno, & elegantij juvenis ingenio, linguâ prius nostri temporis Italicâ sese scri-

scribendo exercuit, mox Latinam affectans jam adultus, brevi admodum temporis curriculo magnum Poëtam professus est; quam juvenis promptitudinem admiratus Leo Decimus Pont. Max., ne tali deesset ingenio, arci eum Mondulphiæ præfecit, quem iocum Arenus studiis suis necessaria ubertim suppeditaturum arbitrabatur. Prioribus itaque dimissis jocis; lusibusque, quibus in adolescentia sese oblectaverat, majus jam conceperat argumentum, & Porsenam Heroico celebrare occæperat. Vix pauculos nescio quot menses in eo vixerat otio, cum per multos dies à domesticis desideratus, in puteo demum quodam aquæ profundissimæ & ipse, & ejus mula reperti sunt exanimati. Eandem factorum inclementiam expertus & Paulus Bombasius Bononiensis, qui Latinas, Græcasque litteras Neapoli summa cum laude publicè professus, à magnæ celebritatis Cardinali Pucio Romam accersitus, ab eoque in honore habitus à secretis fuit,

*Paulus
Bombasius.*

fuit, liberaliterque tractatus jam locuples effectus erat, cū ecce repentina illa prædonum procella urbem Romam invasit, quā captā, cū is Mæcenatem suum in arcem Æliam confugientem subsequeretur, superveniente ficiariorum globo oppressus, immanem cædem evitare non potuit. At quanto miserabilius perii Donatus Polius vir Florentinus, Romanæ cathedræ professor, Leonisque Decimi familiaritate non ignobilis, in quo multæ erant & reconditæ literæ, eloquendi vis non erat. Is enim à quodam puero, qui homini serviebat, spe prædæ, noctu, adactō in frontem malleo, trucidatus est, cū alioqui pauperrimus vitam semper egisset duram, & insigni mendicitate miserabilem. Et quoniam in Romanigymnasii professores obiter incidimus, plerosque alios enumerabo, quibus fortuna se novercam exhibuit. Antonius enim Flammi-

*Donatus
Polius.*

*Antonius
Flammi-
nius.*

vitam in primis eo infelicitatis genere produxit, quod nullius unquam neque docti, neque indocti hominis familiaritate, commercio delectatus est, non famulum, non servum habuit, neminem unquam ad cœnam adhibuit, neque aliorum ipse mentes affectavit, quod faustum aliquis dicat, nisi solitudine ipsâ, & molestum, & periculosum esset. Is autem inopinatâ præventus morte à caupone vicinæ, qui quotidiana edulia homini venditabat, contationem admirante, quod jam triduum non apparuisset, & per hortuli fenestellam quandam ingresso inter libros, quos humi stratos, stratus & ipse lectitare consuebat, sempiterno oppressus somno repertus est. Simile mortis genus sortitus est Antonius Amiter-ninus cathedrâ Romanâ celebris, Iulii Medici Cardinalis, qui nunc summus Pontifex est, in Grammaticis, & Oratoriâ præceptor, anno antea quàm is ad Pontificatum ascenderet, peste Hadrianeâ Romæ

*Antonius
Amiter-
ninus.*

Romæ sævientē profugerat. Inde librorum scriptorūque suorum desiderio incensus, ut hujusmodi supellectilem, vel ut nonnulli volunt, reconditam pecuniam auferret, reversus Romam, & domum suam ingressus, ubi familiares sui eo morbo contaminati interierant, ipse quoque contactus è vestigio, dum abitionem parat, Aquilam profecturus senex, æger, & corpore, & animo confectus, quadragesimo ab urbe lapide, intra hospitium, vel à nemine in diversorium receptus, vel ipse nulli satis fidens, ut procellosam tamen cæli tempestatem, quæ largè cadente pluvîa oborta erat, per noctem evitaret, in proximi templi cujusdam vetustate prærupti pronum se conjecerat, noctem ibi pro foribus quieturus, mane autem à viatoribus ibidem repertus est exanimatus. At non minus crudeliter occubuit Augustus Valrus, Patavinus civis, qui Romæ per tot annos bonas literas tantis ab eo vigiliis, sudoribus, & peregrina-

*Augustus
Valrus.*

grinationibus acquisitas, professus erat, qui non solum voce, verum etiam scriptis, eruditionem omnifariam ab interitu vindicabat; quàm autem miserabili mortis genere vitam finiit! Incidit enim in Romanam cladem, Hispanorum illam, & Germanorum prædonum sævitiam acerbissimam, cujus antè oculos direptâ domo, ipse in vinculis habitus, preciosissimam librorum supellectilem, laboresque illos suos, quos præsertim in Plinium elucubrabat, coram dilacerari, & in usum culinæ incendi conspexit, & in eo mœrore omnibus aliis incommodis conflictatus, propter arrogantem eorum crudelitatem, quibus nihil unquam fuit improbius, dum modicæ fortunæ vir insatiabilem barbarorum sitim tributis explere nequit, qui omne senectutis suæ viaticum jam excusserant è loculis, post cruciatus varios, fame demum consumptus perhibetur.

*Ianus
Parrhasius.*

Professus est etiam apud nos Janus Parrhasius, ad cujus jucundam vocem undique concurrebatur.

batur. Verūm is , dum assiduīs vigiliis , & longæ lectionis laboribus maceratur , in eam incidit articularis morbi truculentiam, ut per annos aliquot nil præter linguam in universo corpore haberet incolumem , fiderato propemodum utroque crure, ut nullis pedum officiis uti posset, laceratisque præ dolore, & contractione, redditus inutilibus, magnâ insuper inopiâ , & egestate oppressus , rerum demum omnium desperatione ductus, relicta Româ in Calabriam cū secessisset , in febrim subito incidit, qua diu vexatus, miserabilique eo cruciatu superatus, expiravit. Neque diu felix fuit Thomas Phædrus, affluentissimum eloquentiæ flumē, *Thomas Phædrus.* quo non alias eo tempore orando clarior , neque vehementior fuit , Romanæ ipse quoque cathedræ decus , & ornamentum. Quam verò miserabiliter, quàmque inopinato mortis genere surreptus interiit , dum scilicet mula media urbe vehitur junctis factus obviam bubalis, qui visendæ magnitudinis carrucam trahebant: --Con-

—Conſternatâ ſiquidem mulâ,
 bubaliſque identidem perterre-
 factis, ſimul ab ea calcitroſa ex-
 cuſſus eſt tam magnæ corporatu-
 ræ vir, quantum hominem noſtis,
 ſimul à plauſtro ſuperatus, quam-
 vis in rotarum medium interval-
 lum incidens elifionem evitarit,
 corrupto tamen præ timore, &
 gravi caſu intra viſcera ſanguine,
 multa inde longæ, & occultæ
 valetudinis incommoda perpeſ-
 ſus, in ejuſmodi ærumna vitâ
 functus eſt. Quid verò Camil-
 lus Paleottus tam elegantis lit-
 teraturæ juvenis, non ne etiam il-
 le, cùm ex Bononiënſi cathedra
 Romam ad fratris germani cau-
 ſam, qui à Iulio Secundo pu-
 blico de negotio in vinculis ha-
 bebatur, procurandam profe-
 ctus eſſet, interveniente mox
 Iulii ipſius mortē, ſuſſecto que
 illi Leone Decimo, cùm à Car-
 dinali Divitio, virtutis, & inge-
 nii ergò loco germani fratris
 amaretur, in eam incidit valetu-
 dinem, qua per multos meſes
 miſerabiliter cruciatus totis
 membris non ſine lethali dolore
 fide-

*Camillus
 Paleottus.*

sideratis, in ipso ætatis flore quintum & vigesimum natus annum, magnæ omnium expectationi præreptus est? Hujus autem affinis Philippus Beroaldus junior insigni & ipse literaturâ præditus, Bononiensem theatraliquandiu rexerat, Romæ inde publico conductus salario professus est. Mox à Ioanne Medico Cardinali jam tum Æmiliæ, & copiarum Pontificiarum Legato, admissus in amicitiam, illi à secretis fuit. Postea verò quàm is ad Pontificatum ascendit, Phædro mox vita functo, in Bibliothecæ Palatinæ præfecturâ illi suffectus est. In reliquis ornamentis, & commodis repulsam passus, despectuique propemodum habitus, vix victui necessaria pro antiquæ familiaritatis dignitate adsequebatur, quo ex mœrore cùm desertum se, atque abjectum existimaret, in rapidissimam febrem illapsus ad amicorum liberalitatem confugere coactus, brevi eo morbo, curisque confectus interiit. Hic ego cùm aliquantulum tacuissem, præ-

*Philippus
Beroaldus junior.*

præceptoris, quem unicè dilexeram, observaveramque, desiderio exacerbat, putavit Contarenus absoluisse me dictionem meam, atque ita excepit. Multa quidem, Grana Pontifex, miserrimarum, quæ doctis viris acciderunt, apud vos exempla, quæ vos infelicia judicatis, complexus es, sed quid inquires, si apud nos quoque parem his vestris calamitatem (utar enim locutione vestrâ, quamvis longè alia mihi sit sententia,) literatos afflixisse dixerò, & ut à professoribus, in quibus tu finem fecisti, incipiam, cum adolescentes essemus, tres habuimus insignes literaturâ viros, quos in huiusmodi studiis sectabamur. Duos Venetiis, Marcum Antonium Sabellicum, & Georgium Vallam, Patavii autem Ioannem Calyphurnium. Qui quidem vel in gravissimis miseriis, vel iniquissima vitæ conditione finem sortiti sunt, ut more vestro dicam, calamitosum. Georgius enim Valla Placentinus, multæ studii, multæ doctrinæ vir, multarum idem lucubrationum auctor,

*Georgius
Valla.*

ctor, dum Veneriis, proficitur,
Triultiaë factionis sectator acer-
rimus, ita ut, quin publicè etiam
adversarios maledictis proscin-
deret, minimè sibi temperare
posset, hinc Ludovici Mediola-
nensis ducis inimicitis vexatus, in
ipsà, quam instituebat, civitate
conjectus in carcerem, situ eo ali-
quandiu contabuit; cognitâ mox
causâ, & absolutus, & cathedræ
suæ redditus, haud ita multo post
cùm mane summo paratus esset
conferre se ad auditorium, ubi
tunc Tusculanas Ciceronis quæ-
stiones prælegebat, deque ani-
mæ immortalitate vehementissi-
mè, doctissimèque quotidie dis-
serebat, dum interim corpori va-
caturus excrementa cibi dejecit,
animam etiam morte subitaria
exhalavit. Nos qui quotidie ad
admirandam hominis doctrinam
sub matutinum crepusculum
conveniebamus, non prius tali
nos doctote defraudatos intel-
leximus, quàm hora profitendi
frustrà elapsâ, certos, qui moræ
causam sciscitarentur, domum e-
jus delégavimus, qui redeuntes
gymna-

gymnasium nostrum præter omnium spem, quia nullū male valetudinis incommodum præcefferat, voce illa erudita spoliatum, atque orbatum renunciaverunt. Erunt qui genus hoc mortis inter mortalium fecilitates enumerabunt, quippe nullo dolore prævio, nulloque mortis metu statim exanimari. Nos tamen ex Christianæ pietatis institutis miserimum hoc existimamus, ex Philosophiæ verò præceptis, neque quidem calamitates alias, quæ alterius, non nostri juris sunt, mala existimo; sed erit super hoc alias differendi locus.

At fuerit felix Valla, quia cruciatu nullo, nulliusque rei anxius è vitamigravit, nobis certè ejus discipulis calamitosa fuit hominis mors, quibus eruditionis suæ tam triste desiderium reliquit. Sed enim quò minus incommoditatis Valla perpeffus est, eò plus infortunii, & ærumnarum pertulit Sabellicus, vir ille scriptorum copiâ, & elegantia multò clarior, quàm mea ulla possit commendatione crescere, miserabilem

M. Antonius Sabellicus.

lem vitæ finem eum sortitus est, quod putridâ , perniciosâque correptus elephantia si per annos aliquot miserabiliter cruciatus, interclusâ vocis viâ , cæterisque tam spiritus, quàm cibi meatibus computrescentibus, gutturisque corruptis omnibus organis, venisque corrosis, non sine cruciabili tormento annos aliquot per egit , eaque tabe demum confectus interit. Ioannis autem Calphurnius rarissimæ vir eruditio-
Ioannes Calphurnius.
nis, qui Patavii, me puero, bonas literas perquamdiu docuerat, nullo unquam tempore non expositus invidorum obtrectionibus, & injuriis, dum omnia fortiter ferens adversa , uni studet immortalitati, repentina paraly si percussus, amisso primùm vocis beneficio , quæ lucubraverat opuscula pleraque indicare non potuit, eoque incommodo absumptos ignavissimos fucos elaboratis à se operibus nobilitavit. Addam huic virum benè literatū Josippum Faustinum Vicentinum
Josippus Faustinus.
civem , Brixîâ tamen oriundum Tincâ non incelebri familiâ, cuius

cujus ærumnosum exitum, ab E-
gnatio nostro me audisse memi-
ni. Noverat is hominem in civi-
tate Bellunensi, per annos supra
quattuor & triginta professum,
eruditione dubioprocul summâ,
& tam prælegendo, quàm oran-
do admirabilem, cujus integerri-
mam continentiam, & probita-
tem tota ea civitas cœlo effert, &
admiratur. Is autem post nava-
tam juventuti Bellunensi per tot
annos operam, & multa ad poste-
ritatis etiam institutionem elucu-
brata, eò incidit calamitatis, ut
Belluno à Germanis obseffa, to-
tius ferè orbis in Venetos bello
exardescente, missusis pro pacis
quibuscunque conditionibus, ne
urbs direptioni destinaretur, O-
rator unâ cum civibus aliquot ex
omni nobilitate lectis, pacem
quidem impetravit, obsidionis-
que summovendæ auctor fuit,
sed ab hostibus, tributorum avi-
dissimis, ad Pontem Æni, quem
Isprucum hodie vulgo dicunt, in
captivitatem abductus, jure gen-
tium à barbaris violato, dum re-
demptionis pretium, quod illi fla-
gita-

gitabant, omnem excedit modum, neque solvendo quisquam est è suis: Ipse in literarum otio ad eam usque diem enutritus, jam & mœrore, & ætatis ingravescentis incommodo, malæque apud ejusmodi feritatem tractationis truculentiâ vexatus, ubi neminem habebat, qui consolationem afferret in tantis malis, neque quisquam inveniebatur, qui miseris perditum levaret, qui magno semper in honore apud Bellunenses fortunatè, beatèque vixerat, tanquam numen aliquod cultus, & observatus, in eo carcere, vitâ tam indignè, tamque infelicitè excessit. Solebat & Galeotti Narniensis, qui apud *Galeottus* nos diu versatus erat, miseresce- *Narnien-* re Egnatius idem. Is quidem suis *sis.* clarior lucubrationibus, & magnorum Principum familiaritate magis celebris, quàm nostro possit clarescere testimonio, cum à Francorem Rege Ludovico ejus nominis undecimo, accersitus ex Pannoniis, ubi Matthiæ Regis liberalitate deliciabatur, Lugdunum ad salutandum Gallum Regem

Regem se conferret, forte illi factus exitinere ante urbis portas obviam, dum magna vir corporis habitudine, pinguedineque, & obesi ventris mole gravis ab equo se demittere ad terram vellet, id scilicet honoris Principi habiturus, suo ipse tractus pondere ita corruit, ut ad iso terræ capite, fractoque gutture statim expiravit. Hic Pollio. Quid obsecro probatissime vir indignos alienigenarum casus ita meministi, ut tuorum obliviscaris? Audivi ego Venetiis, dum Orator Pontificius in Pannoniam iterum missus, menses aliquot illic subsistere coactus sum, excidii Romani certior factus, dumque vestrorum hominum literas perscrutor, Paulum quandam Decanalem indignissimum vitæ exitum sortitum, cuius cum te perbellè conscium putem, quisnam hic fuerit obsecro nobis indices, nam & Granam, & Colotium video, ut alterum alterius auribus infusurasse animadverti, magnam utrumque literatorum carnificinam paraviss-

ravisse. Sed enim priusquam Decanalis elabatur, detur nobis à nostris venia, ut quid super eo dicturus es, audiamus. Sanè quidem cū de literatis sermo est, nullius ego libentius meminerim quàm Pauli *Paulus* Decanalis, qui quantæ fuerit eruditionis, nulli non innotuit. Is *Decanus* enim vix quintum, & vigesimum ætatis annum attigerat, & præter obsolutissimam Latinarum, Græcarum, & Hebraicarum literarum cognitionem, disciplinas etiam illas illustriores, Philosophiam, Astrologiam, & Mathematicas reliquas artes, non primis, ut multi, labris degustaverat, sed pleno fonte exhauserat. Qui quidem, dum præstanti labore Ptolomæi Geographiam non tam temporum, quàm imperitorum hominum injuria passim depravatam incolumitati pristinae reddere contendit, neque sibi die, neque noctu parcit, tam utilem, & jucundam humanis ingeniis cognitionem brevi exhibiturus, ex nimia scribendi assiduitate, nixu, & perseverantiâ, rupta

C

intra

intra pectus vena ita sanguinem
 cæpit evomere, ut nullà Medi-
 corum arte sisti posset. Tum ille
 fatalem instare diem inspiciens,
 id unum habuit præmaturæ mor-
 tis, & interceptæ in studiis glo-
 riæ solatium, quod, rerum alia-
 rum omnium contemptâ curâ, sa-
 cris initiatus, & in Augustinia-
 norum Heremitarum claustra
 inclusus intra paucissimos dies,
 intaminatæ juvenis vitæ, integer-
 rimum, pudicissimumque ani-
 mum cælo reddidit. Ex iis au-
 tem, quos Patavii studiorum
 meorum comites habui, tres mihi
 præcipuè & ingenio, & probita-
 te excellere visi sunt, quorum qui
 fuerit exitus, audietis. Nico-
 laus Angelicus Venetus, diligen-
 tissimam bonarum artium studiis
 operam navaverat. Nam & Phi-
 losophiam Patavii absolutissimè
 didicerat, neque ea contentus ju-
 ris etiam peritiam acquisiverat, in
 eaque disciplina Romæ approba-
 tus, laureâque ibi honestatus, in
 patriam ad fori negotia se contu-
 lerat. Sub primum appulsum pa-
 tre vitâ functo, familiaribus, at-
 que

*Nicolaus
 Angelicus.*

que iis quidem molestissimis est
litibus infestatus, quibus dum va-
riè distrahitur, accidit, ut sub pri-
mum noctis crepusculum tumul-
tu ante ædium suarum fores exci-
tato à percussoribus, quos ad-
versariū summiserant, dum ædes
ipse suas defensurus, in quas illi
contendebant irrumpere, animo-
sus juvenis stricto ense in viam us-
que mediam procedit, longè ma-
jori ex insidiis ingruente turba,
cū unus in tot sufficere non
posset, multis hinc inde vulneri-
bus laceratus, resecto demum
transverso ictu fæmore miserabi-
liter occumberet. Ut verò, quæ
recentissima sunt, commemorem,
hujus & socius, & contubernalis *Mat-*
Mattheus Albinus, & ipse Vene- *thens Al-*
tus, in arte medica peritissimus, *binus.*
ex qua locupletissimas divitias
comparaverat, magnam adeptus
auctoritatem tam ex ipsius artis
scientia, quàm ex incomparabi-
li, qua erat egregiè præditus in-
tegritate, ex uxore pudicissima
admirandæ indolis filium susce-
perat, de quo cū spem opti-
mam concepisset, & ad bonas ar-

tes idoneum comperisset, isque ultra quàm puerilitatis anni ferre viderentur, profecisset, subitariâ in eum grassante febris, acerbissimo elatus funere patrem in eam coniecit doloris vim, ut ex concepta inde mæstitia paucis post diebus, cum dolori resistere non posset, assidueque ejus funeris cogitationi inhæresceret, neque levare ægritudine pateretur, eâ demum oppressus, ipse quoque perierit; nosque & amico optimo, & ingenioso opere, de ratione super ægrotantibus differendi, quod inchoaverat, privati, perpetuo affligemur. At, ne ab hoc discedam contubernio, Hieronymus Angeli Pisauriensis magnâ apud nos celebritate Medici filius, & ipse Medicus juvenili quamvis ætate peritissimus, qui cum Albino & alitis, & educatus, sororem illi in matrimonium collocaverat, conspectâ & ipse cum summo animi mœrore immaturâ nepotis morte, subsequutoq; recenti dilectissimi sororii funere, vulnere hinc refricari, ac crudescere viso, usque adeo cru-

Hieronymus Pisaurius.

cruciatus animi, & afflictus est, ut ex luctu, & mœrore contabescens, brevi ipse quoque conjunctissimum sororium subsecutus fuerit. Horum socius, & conrubernalis Ioannes Campanius Chaneensis, familiaris meus, acutissimi juvenis ingenii, Venetiis, & Patavii bonis literis, & disciplinis operæ multum insumperat, eratque & in Philosophicis, & in Medicinæ studiis optimè eruditus, sed juventutem omnem per omnes inopiæ difficultates traxerat, amicorum tantum liberalitate sustentatus, qui natum ad frugem optimam adolescentem fovere perseverabant. Is posteaquam Medicum profiteri cœpit, mirum est, quàm brevi ad magnas opes pervenerit. Triennio enim, quò apud Bituriges ab Italii mercatoribus conductus, eam artem exercuit, largissimè locupletatus erat, quod in Medico juvene rarissimè contingit. Atque ita re benè gestâ, dum Romanam transmigrare parat, ut in hac luce hominum viveret, quasque sub incude habebat, rerum

*Ioannes
Campanius.*

*Bernardi-
nus Ca-
musius.*

naturalium quæstiones expoliret, secundum, & trigessimum natus annum atrocissimâ oppressus febris tam procul Italia, ut & ipse desideratus est, ita doctissima etiam ejus scripta interiere. Horum autem præceptor, & meus in primis Philosophiæ tyrociniis Bernardinus Camusius Albinganno patriâ, qui Philosophiam Venetiis, mox Patavii nobis adolescentibus docuit, & suâ, & discipulorum celebritate clarus, quo proficiente, quæstiones eas asperiores Latinis verbis tractari posse experimento discebamus, cum maturè nimis receptui cecidisset, medicinæque se penitus addidisset, & nomen, & fortunas amplas in patrio acquisierat solo. Ad hæc uxore supra quam Philosopho conveniebat formosa, & dote magna auctus, dum post tot exantlatos labores sperat otio aliquo per quietem frui, & aliqua ingenii, & eruditionis suæ monumenta posteris relinquere, rebellis conjugis operâ, ut fama est, à percussoribus quattuor multis & lethali-

lethalibus vulneribus confossus est. Cumque diligenti curatione adhibita mortis jam periculum evasisse videretur, ab ea ipsa uxore veneno demum fertur extinctus. Et quoniam ad Medicos sermonis me series traxit, Andreas Mongajus Bellunensis repente sublatu obitu studiosis potius omnibus, quàm sibi fuit incommodus. Ille enim, cùm diligentem Medicinæ operam dedisset, depravatis ubique Avicennæ codicibus offensus, Damascum usque profecturus ad antiquos ejus auctoris libros perquirendos pelagi tantum enavigavit, terrarum tantum peragravit. Ubi ea in urbe confedit, Arabica per summam industriam, & vigilantiam lingua optimè percepta tam utilis auctoris scripta omnia correxerat, multa que ad hanc ætatem incognita declararat, cùm à Senatu Veneto conductus Patavinæ est cathedræ præfectus, ut quam optimè callebat, artem edoceret. Paucis verò post mensibus à cœna, nulla male cuiuspiam valetudinis molestia

*Andreas
Mongajus.*

prætentatus subitario eventu in lectulum inclinatus expiravit.

*Julius
Doionus.*

Sed enim quanto tolerabilior est Mongai mors, quod senex, quod honoratus, quod dives, quod sine morbi alicujus molestia, qui operibus quæ parturiebat absolutis, vitâ cefferit; eò gravior est Iulii Doioni, item Bellunensis casus, qui juvenis, qui pestilentissimo morbi genere per aliquot dies vexatus, qui lucubrationibus in medicina pluribus quidem inchoatis, nullis autem absolutis, tunc nobis ereptus sit, cum maximè patriæ ornamento, familiæque suæ usufuturus erat. Is enim primo in Patauino gymnasio medicinam publicè professus, Venetorum deinde consulem honestissima conditione Aleppum usque secutus fuit; qua in urbe Turcici Imperii post Byzantium primario emporio per biennium commoratus, Tripolim ab altero Venetorum consule peste laborante accersitur; dum igitur eò cum duobus viæ sociis nocte propter æstivos calores magnis itineribus contendit, de-

cimo

cimo ab urbe lapide hunc latrones ex occultis locis repentino impetu adoriuntur, alteroque comite ab iis interfecto, altero autem gravibus vulneribus confosso, ipse clavâ in capite, & humeris sæpius percussus, exanimis jacuit. Latrones verò tantis ictibus interemptum existimantes, illo omnibus vestibus, & quamplurimis aureis Venetis exspoliato, interiori tantum tunicâ eidem relictâ, abierunt: ita verò crudeliter tractatus, vixque humi surgens post aliquod temporis spatium, multâ nocte in civitatem, unde discesserat, regressus est, ubi tandem brevi aëris benignitate convaluit. Nondum tamen triennio transacto satis locuples factus, iisque bonis contentus, quibus parentes suos, & numerosam familiam, decenter aleret, cum Bellunum natale solum remeare meditaretur, subitâ pestis vi in illâ civitate sæviente, & quam multis sanaverat, eandem ipse quoque contactus, paucos post dies, tam immaturâ ætate, ab omnibus destitutus, miserabiliter

animam efflavir, patriamque, & parentes sui expectatione defraudavit. Infelix etiam est Mar-

M. Antonius Turranus. ci Antonii Turranii interitus. Fuit is Hieronymi Veronensis viri clarissimi, qui Patavii per multos annos Medicinam magno omnium profectu docuerat, filius. Iuvenis dubio procul in omni disciplinarum genere longè ultra quam ætas ferret, eruditissimus, à primis adolescentiæ annis Patavii & ipse publicè professus, Dialecticam, Philosophiam, & Medicinam docuit. Turbulentissimis demum temporibus atrocissimi illius in Venetos belli, quod in eos Christianorum omnium Regum conjuratione gestum est, ut incommoda illa evitaret, & non apta jam studiis loca declinaret, Papiam accersitus maxima cum omnium admiratione, qui juvenis doctrinam, & eloquentiam commendabant, profitebatur. Cùm ecce iniquissima correptus febre circiter trigesimo vitæ anno primarius penè ætate sua Philosophus.

losophus in humanis esse defuit.

Neque verò minorem in Ioanne Cotta Veronense jacturam fecerunt bonæ literæ. *Ioannes Cotta.*

Iuvenis is multa rerum omnium cognitione egregius, disciplinarum nostrarum non ignarus, Mathematicarum optimè peritus. In condendo verò Poemate elegantia, & venustatis incomparabilis, quique antiquum illum leporem ætate nostra revocare cæperat.

Is inquam, dum Viterbiū apud Iulium Secundum magnis de rebus Orator agit, pestilenti oppressus febri in ipso ætatis flore defecit, scriptis ejus & hic, & illic magna ex parte dissipatis, ut neque posteritati, neque nomini suo prospicere potuerit. Vivet tamen, & doctissimorum omnium testimonio celebratus iniquæ fortunæ invidiam superabit. Et

Dantes Tertius Aliger Veronensis vir dubioprocul optimè litteratus, & in Latino condendo carmine benè elegans, & eruditus fortunam ipse quoque novercam expertus est. Quo enim

Dantes Tertius Aliger.

tempore scripta sua cœperat in
 classes instruere, & immortalita-
 ti suæ viaticum comparare, in
 belli tempora incidit, quod uni-
 versi orbis viribus contra Vene-
 tos Iulius Secundus Pont. Max.
 concitârat. Quo factum est, ut
 Veronâ à Barbaris captâ, ipse ne
 immani eorum feritati parere co-
 geretur, Mantuam voluntario
 exilio profugerit. Ibiq; rerum
 omnium angustiis oppressus, u-
 xore & liberis ex opulentâ satis
 conditione in arctissimam ege-
 statem, & miseriam coniectis,
 tum ætate jam gravis, & ad in-
 commoda hujusmodi ferenda
 minùs adsuetus, gravi admodum
 valetudine diu excruciatuſ in
 eo exilio, perturbato, subversô-
 que rerum omnium suarum ordi-
 ne, calamitioso mortis genere vi-
 tam finiit. Tali mœrore conta-
 buit & Hieronymus Bononius
 Tarvisinus, vir nisi fata eum tot
 calamitatibus afflixissent, ad ma-
 gnam & ingenii, & eruditionis
 laudem natus, siue rerum anti-
 quarum, quibus valde oblecta-
 batur, cognitione præstaret, siue
 non

*Hierony-
 mus Bo-
 nonius.*

non inelegans carmen cuderet,
five aliorum ingenia benignissi-
mus excitaret. Istamen per vi-
ginti & amplius annos tabe ro-
tius corporis computrescens; fi-
liorum aliquot inprimis surdita-
tem, mox & desipientiam exper-
tus, superveniente bellorum tem-
pestate, vitam extra patriam in
magna rerum omnium perturba-
tione dereliquit. Ita & Iacobus *Iacobus*
Paganus Bellunensis, & generis *Paganus.*
nobilitate insignis, & literatura
non incelebris, multis apud ma-
gistratus Venetos honoribus
perfunctus, quo tempore nume-
rosæ proles rectè, & ingenuè in-
stitutæ, educatæ, & eruditæ sola-
tio frui debebat, in turbulentissi-
ma Germanici contra Venetos
belli tempora incidit, quorum
violentia patriam extorris factus,
dum barbarorū sævitiam quan-
tò potest studio declinat, volun-
tarius exul Venetiis omnium re-
rum incommodis afflictus periit.
Fuit & Hieronymus Donatus *Hierony-*
Patricius noster nullius ignarus *mus Do-*
doctrinæ, Poeta, Orator, Philo- *natus.*
sophus, Theologus, Mathemati-
cusque

cusque peregregius, tantâ semper rei familiaris molestiâ, & domesticorum ad iussa rebellium curâ, sollicitudineque inquietatus est, ut nisi curas litterarum solatio levasset, nemo unquam eo miserior futurus fuerit. Is posteaquam diuturno labore ferocissimum Iulii Secundi animum in Venetos exulceratum per intolerabilem patientiam hic Orator pervicerat, prostratæque jam patriæ subsidium, & respirationem comparaverat, eo ipso die, quo fædus cum Iulio sanxerat in rapidissimam lapsus febrem, brevique inde extinctus, subsecutam patriæ suæ, quam de pertinacissimæ fortunæ manibus extorserat, felicitatem videre non potuit. Scripta ejus innumera ad immortalitatem elucubrata, quod eruditis indignissimum est ærumnarum genus, paucissimis admodum exceptis, quæ vivens ediderat, adhuc in tenebris jacent occultata. Sed hi forsan communia cum multis passi videantur, neque fortè ærumnosis adnumerandi fuerint, veluti calami-

lamitosissima Gabrielis Zerbi *Gabriel*
Veronensis Medici mors , quæ *Zerbius.*
nulla multis ab hinc annis neque
immanior, neque crudelior acci-
dit. Fuit is in Patavino Gymnasio
professor valde celebris , cujus
promptissimum ingenium, & in-
trepida ob doctrinam confiden-
tia Romanis etiam vestris tunc
innotuit, cū in frequentissimo
Philosophorum, Theologorumq;
conventu, ubi de re valde seria a-
gebatur, ausus est Sixto Pontifici
Max. disputanti imperitiam ob-
jectare, quā ille offensus intempe-
rantia, quod majestatem suam ita
contemptui habuisset, erat in ho-
minem graviter animadversurus.
Sed enim Pontificis cognito con-
silio clam statim urbe aufugit,
Patavique mox per annos mul-
tos professus est. Accidit autem,
ut Scander Turcarum Regis Pri-
mipilaris vir gravissima disente-
ria laboraret , quæ fierique per-
cognitissimum sibi hominem An-
dread Gritteum , qui nunc Prin-
ceps noster est , ut Medicus ex
Italia ad se quam primū mitter-
etur, ingentia itineris, laborum,
&

& curæ præmia reportaturus. Suscepit provinciam Zerbus, & immensum auri pondus spe vorans, ad Scanderem proficiscitur, secumque filiolum adhuc impubem adducit. Curat Principem hunc Zerbus diligenter, & pristinæ reddit incolumitati, donatur mox auro multo, vestibus, & gemmis, & argenteis pateris, & carohæsis, aliâque supellectili locupletatur, ut si domum ea omnia asportare licuisset, unumquemque Europæ Regem instrumento fuerit provocaturus. Benè autem res acta erat, fatebaturque Princeps & vitam, & salutem sibi hominis hujus curatione partam, acceptisque ab eode reliquæ vitæ ratione præceptis, commeatum dederat. Ille jumentis oneratis ad finitimum quoddam Turcarum castellum, unde in Dalmatiam diverteret, se recipit, pauculosque ibi dies moratur, dum præsidium itineris ex Christiani nominis hominibus accersitur, quæ omnia pacatissimè, & fide utrinque datâ acceptâ transgebantur. Accidit autem,
ut

ut Scander præceptorum immemor, & naturâ ipsâ minimè continens, dum libidinem suam explere pergit, in graviores recideret ægrotationem, qua brevissimo temporis spaciolo consumptus interiit. Filii, ut in preciosa illa munera, quæ pater Zerbbo dederat, invaderent, temporarium venenum à Medico patri datum calumniantes, percussores expeditissimos immiserunt, qui fugientem, ut ajebant, è fuga retraherent. Illi captum Zerbum, & unâ filium adolescentem indicta causa eo supplicii genere affecerunt, ut primum immeritissimum filium ante patris oculos inter duas ex ligno tabulas inclusum, ferrâ mediū dissecarent, mox ipsum quoque tormento eodem atrocissimo trucidarent. Exhorruerunt ad hanc barbarorum immanitatem omnium animi, cunctique veluti stupore quodam attoniti conticuerant, cum demum Colotius ita silentium rupit. Gravissimum est, non inficior, in exilio, & egestate laborantem morbo etiam absumi.

Colotius.
Miser-

Miserrimum longæ alicujus va-
 letudinis incommodo cruciari;
 Infelicissimum trucidari; sed eo-
 rum ego sortem omnium teterri-
 mam, & ærumnosissimam existi-
 mo, qui se tam miseros judica-
 runt, ut sponte sibimet manus in-
 jicerent. In reliquis enim ærum-
 nis, quamdiu sperare licet, spes
 adfulget aliqua, quæ quidem æ-
 gritudinem, aut fortunæ sævitiam
 leniat, in animo verò sponte mo-
 ri destinato nulla neque spes, ne-
 que a lterius consolationis ratio
 locum habet. Atque ne ullum
 calamitatis genus à literatis ab-
 sit, hoc, ut est omnium atrocissi-
 mum, ita frequentius in hujus-
 modi genus hominum debaccha-
 tur. Sic Demosthenes, sic Cato,
 sic apud veteres clari plerique
 viri vitam finire, quod illis ta-
 men vel laudi, vel salutis attribu-
 tum est, & fortiter periisse dicti:
 nobis, qui sanctius instituti su-
 mus, nihil æquè perniciosum exi-
 stimatur. Quòd si rerum summa
 in hominum opinione consistit,
 illi nimirum omnium ærumnosis-
 simi, qui suas sibimet invisas
 ani-

animas projecere. Verū audite obsecro, an ulli nostro tempore fuerint, qui tantum calamitatis animo conciperent, ut non aliā ratione illi obviam iri posse putarent, nisi manus sibi violentissimas inferrent. *M. Caballinus An-* *M. Ca-*
conitanus, summā doctrinā, sum- *ballinus*
moque judicio vir, ita tempera- *Anconi-*
tis, moderatisque moribus sem- *tanus.*
per fuerat, ut nihil eo probius, neque sincerius haberetur. Integerrimæ ad hæc bonitatis, & erga eraditos omnes amorbundus, magnam & humanitatis, & festivitatis laudem reportaverat. Is tamen, dum apud Cardinalem *M. Cornelium* à secretis vitam agit honoratissimam, in maniam nescio quam, quod causā quādam deciderat, in qua secunda omnia sibi proposuerat, illapsus, sub idque tempus grandi pecuniæ deposito à magni nominis amico per inficiationem indignissimè defraudatus, in conclave suum sponte inclusus, iniquissimas sibi manus intulit. Foribus enim post aliquod temporis intervallum, quo non pro-

dibat

dibat ad officia, perfractis, re-
 tus est à necessariis humi jacens,
 prælongo gladio per medium
 pectus adacto, dum hesterno
 sanguine totum cubiculi pavi-
 mentum nataret. Visa tamen
 hæc lues Florentiæ magis, quàm
 alibi vigere. Tres siquidem me-
 morantur literati viri, ejus urbis
 cives, qui tali perpulsi insania se-
 metipsum suffocarint. Ex quibus
 Laurentius Laurentianus magnæ
 celebritatis est, quo non elegan-
 tior quisquam Philosophiæ stu-
 dia à Ciceronianis temporibus
 ad hæc usque sæcula interpretari
 aggressus est, Græcè, Latinèque
 nimirum eruditissimus. Dum au-
 tem is Commentariis in Aristo-
 telem Latino idiomate omni-
 summotâ barbarie incumbit elu-
 cubrandis, parsque eorum jam
 edita, pars edenda procuditur,
 repentino nescio quo furore ra-
 ptus, in profundum aquæ puteum
 semet ipse præcipitem dedit, se-
 que vitâ, & studiosos omnes ex-
 pectatione, quamque de homine
 ipem conceperant, frustratus est.
 Petrus autem Leon & ipse Flo-
 renti-

*Lauren-
 tius Lau-
 rentianus.*

*Petrus
 Leon.*

rentinus artis medicæ peritissimus, & in literis politioribus non mediocriter excultus, variarumque rerum cognitione nobilis in tanta disciplinarum peritia, adversæ fortis inclementiam evitare non potuit; furore enim quodam correptus, sponte in altissimæ aquæ puteum defiliit, atque ita genere mortis miserrimo, & viro, præsertim Philosopho, indignissimo periit. Ita & Ioannes *Io. Bapti-*
Baptista Albinus Bernardi Flo- *sta Albi-*
rentini viri filius legum peritia, & *mus.*
aliarum disciplinarum studiis nobilitatus, ob eaque Apostolicæ Cancellariæ Rector adhibitus ætate adhuc florente, ut qui vix quintum & trigesimum annum expleffet, summâ modestiâ, atque etiam non vulgari prudentiâ habitus, erga omnes verò in primis officiosissimus, eò is adactus est, casu nescio quo, ut quodam die planè mane se in altam putei domestici voraginem immiserit, cùmque funi, scitulæque mox adhæsisset, quasi facti pœnitens, supervenientibus fratribus, qui à servis excitati fuerant, opemquæ
e fferre

afferre conantibus, ipse se fune derelicto sponte se in altissimam aquam suffocavit.

Franciscus Fortunius.

De fenestris aut se projicere Franciscus Fortunius, Iulianus Camers, & Ioannes Valdesius, hic amoris vi superatus, ille prædonū, qui Romam diripiebant, timore impulsus, alius qua de causa mente captus ignoratur. Nam cum Franciscus Fortunius Anconitanæ civitatis Prætor esset, quod munus honestissimè, sapiētissimèq; ut Anconitani testantur, exequebatur repente reperi- tus est in Prætorii platea de palatii fenestris lapsus, ignorato auctore, cum tamē Anconitani prædicent eum furore quodam concitum sponte sese dedisse præcipitem. Fuit is jurisconsultus optimè eruditus, Latinis literis admodum expolitus, ut scilicet M. Antonii Sabellici discipulum agnosceres. Iulianus autem Camers Grammaticus, qui Romæ annos multos publicè professus fuerat, ab Leone Decimo instituendo Innocentio Cardinali Cibæo adhibitus. Id primum, dum vive-

Iulianus Camers.

viveret , infelicissimum duxit ,
quod in honoribus, quos mirificè
affectabat , nulla unquam ejus
habita ratio. Demum oppressa
ab Hispanis, Germanisque Ro-
ma, dum palatium diripitur, ubi
is habitabat , aliquos ex familia
per testes arripi , & ea parte
ad alligatos sublimes in suppli-
cium, & absconditi auri quæstio-
nem , vexari cū conspexisset,
ipse veritus ne talia pateretur,
cui etiam graviora , nisi aurum
promeret, minitabantur , cū
nullum aliud in rebus tam subi-
tis , tamque angustis consilium
appareret, de altissima fenestra in
filicatam aream saltu se præcipi-
tem dedit , corporeque universo
filicibus miserabiliter adliso, tam
duro exitio servituti, & cruciati-
bus illis mortem anteposuit. Ne-
que minus miserabili de causa
semetipsum interfecit *Ioannes*
Valdesius natione Hispanus, qui *Valdesius*.
Romæ per literas, & industriam,
& magnorum Principum gra-
tiam ad magnas divitias eve-
ctus , multis apud nos officiis,
id certi census nomen Romæ in
honore

honore habetur, clarus habebatur, Iuvenis quidem elegans, & formosissimi corporis proceritate insignis. Is, uti gens ea valde mulierosa est, puellæ cujusdam, & formâ quidem, & pudicitia nobilis, sed M. Antonii Alterii, viri Senatorii, patris ejus celebrare longè insignioris, amore correptus est, cùmque in dies virtus ejus fæminæ clarior elucesceret; ille morem amoris suo gesturus, dat fidem uxorem sibi fore hanc: eique solemni desponsione puella dedicatur. Paulò post olfecit pater sponsum sacris olim initiarum; neque ullum esse posse nuptiis locum, in summam adductus sollicitudinem, cùm & sibi, & filiæ illusum per summam ignominiam videret, multis, & magnis, ut par erat, molestiis afflictus, rem defert ad Leonardum Cardinalem Roborem, qui tunc absente Iulio Romæ Legatus erat, magis ut ab eo consilium caperet, quàm ut injuriam ulcisci meditaretur. Comprehenditur Leonardi jussu Valdesius, & in Hadriani molem capitis reus includitur. Ille tam
amore

amore perditus, quàm vitæ periculo perterrefactus abdicaturum se sacerdotio, si per summum Pontificem liceat, & puellam vel indotatam ducturum pollicetur. Atque ita sponsoribus, vadibusque datis ea conditione dimittitur. Interim dum ejus veniæ diploma à Julio Pontifice, qui tunc Ravennæ confederat, expectatur, Valdesius neque libenter sacerdotiis, quæ opulenta erant, abdicare cogitat, neque perferre se amorem, etiam si impunè liceat, ulterius sperat. Igitur cum id consilii se cepisse videret, quod non faciliè poterat explicare, graviore ob id dolore affectus, quod pudicissimæ fæminæ famam, & fortunam omnem everterat, si repudii nuntium remisisset, magnis excruciatas sollicitudinibus, misericordiaque & pudore confectus, ut erat æstivus dies, turriculam quandam ad prospectum super ædium culmen excitatam distinctus adhuc ascendit, quasi matutinalem auram strictiorem animi gratiâ captaturus, servuloque mox negotii certi

D

nomi-

nomine ablegato, nullam aliam ratione nactus, qua se turbulentissimis miseriis explicaret, & dulcissimæ sponsæ famæ, nomini-que prospiceret, ex editissimo eo loco in viam mediam sese præcipitem dedit, quo ita totis ossibus colliso, & statim exanimato, Alterii filia re perceptâ, ipsa quoque sponsi desiderio sibimet manum inferre tentavit; sed diligentis familiarium observatione prohibita, custoditaque, posteaquam tempore dolor aliquantulum mitigatus est, maritalem perosa vitam, perpetuo victura cælibatu vestalem induit; Valdesius totius Romæ luctu deploratus est.

*Franci-
scus Priu-
lus.*

Verùm omnes mortis, & fati acerbitates excessisse, & quicquid unquam truculentia fuit, exuperasse mihi videtur Francisci Priuli exitus infelicissimus. Iuvenisis ex patriciatu vestro, Contarenè, tuusque forsan condiscipulus, Romæ etiam non ignobilis, qui bonarum disciplinarum studiis eruditus, Astrologiam imprimis adamaverat, multaque ejus scientiæ arcana in mortalium usum

usum revelaverat, Augustino Gy-
fio, Senensi viro, divitiarum opu-
lencia claro, summo opere tam
ob nobilitatem generis, quàm
ob doctrinam, & elegantissimos
mores carus. Ante omnia verò
Leoni Decimo Pont. Max. ac-
ceptissimus, qui quidem Princeps
& doctrina, & judicio summus
dicere solitus erat, Astrologiam
olim extinctam in uno demum
Priulo revixisse. Ita in eo, quem
de ejus genesi conscripserat, li-
bro abditissima quæque antea-
ctæ ætatis, & uni ipsi cognita
Principi explicuerat; quæque in-
cumberent, quæque futura es-
sent, ad unguem, ut eventus post-
modum comprobavit, in singulos
ferè dies prædixerat. Quare Pon-
tifex jam de erigendo eo medita-
batur. Accidit verò, ut ab Gyfio
ad Aluminis fodinas visendas ad-
duceretur juvenis infelicissimus,
ubi statuerat sese aliquantulum
exhilarare. Itaque dum venatio-
nes, dum aucupatus, dum retia,
canesque procurantur, diesque
totâ domo geniales instituuntur,
nescio quis furor Priulum occu-

pavit, ut de consciscenda sibi voluntariâ morte consilium caperet, atque haud ita multò post occasione oblata è gestatione quadam declinata turba in nemus se proximum abdidit, nullosque ibi nactus arbitros in aggeris præalti lacunam sese præcipitem dedit. Fefellit juvenem altitudo aquæ, quæ vix semipedem adsurgebat, cumque non idonea ad suffocandum esset, à superveniente famulo, qui statim subsecutus fuerat, ex ea volutatione exemptus est. Revertuntur vespertino domum, magnoque interim accenso igne, dum servus huc illuc dimittitur, satagitque, Priulus tempore, quo servum nō adesse putabat, observato, in ignē se superinjecit, ad strepitū recurrit servus, sollicitoque studio dominū sustollit. Causatur illi nervorum infirmitas, & quidā quasi stupor, quem ex lapsu in aquam contraxit. Servus nihil cunctandum ratus omnia hæc Gysio renunciat. Custodiendū diligenter Gysius imperat, leniter tamē habendū, ne furor exasperetur. Ad-

sunt

sunt igitur custodes sub collu-
dendi, confabulandique specie,
summoventurq; illa omnia, quæ
sæviendi occasionem præbere
poterant; ille tamen expectato
tempore, quo furoris sui suspicio-
nem cessare animadverterat, se-
que jam negligentius custodiri,
stabulum ingressus quasi mulam
visurus suam, ibique nullo custo-
dum invento, coniectis in parie-
tem oculis acutissimi mucronis
stylum conspicit, eoque statim ar-
repto aciem in guttur ipse suum
dirigit, seque quanto potest co-
natu ejugulare contendit. Dili-
gentissimus ejus famulus, qui ne-
gotioli causa ablegatus fuerat, u-
bi ad stabulum descendisse domi-
num accepit, eo præcepti cursu
provolans, videt hunc crudelissi-
mo eo conatu sibi manus iniecisse,
infilat statim in ejus brachium,
dereptoq; stylo, eoq; procul ab-
jecto, ut valentibus erat viribus,
mediū complectitur, contentum-
que foras trahit, & in conclave
perducit. Collocatur hic in lecto
Priulus, arcessuntur Medici, cu-
ratur diligenter. Nunquam in-

de abscedit Gyfius, quin aliquem
è primoribus amicis observato-
rem relinquat, ne quid is ulte-
rius ineptiarum faceret. Simu-
laverat iterum Priulus resipi-
scentiam, & alioqui mori desti-
natus, hilari omnes compellabat
fronte, dictorum, factorumque
memor, nulli de insania sua suspi-
cionem vel minimam relinque-
bat. Jam vulnus coiverat, jam
furgebat è lecto liber, jam lude-
bat, jam cum omnibus festivissi-
mè jocabatur. Jam sodalibus,
jam deambulationibus delectari
videbatur. Quodam igitur die,
qui festus erat, Gyfius mane ad
lectum adest, Priulum ut ha-
beat, percontatur. Ex voto ille
respondit. Interrogat Gyfius, an
velit secum ad proximam ædi-
culam, ejus diei festi causa, rei sa-
cræ interfuturus accedere; quo
non contanter promittente, hor-
tatur Gyfius, lectulo surgat, se-
que adornet. Bene est, inquit
Priulus, jamiam instructus ade-
ro; & tunc famulo innuit, ut li-
neam tunicam interiorem conca-
lesactam afferat. Abit Gyfius his
inspe-

inspectis, ut qui nihil ulterius mali suspicarerur. Dum verò famulus indusium alio cubiculo calefaciendum curat, Priulus tempus id nactus, quo cubiculo omnes excefferant, pernici saltu in fenestram sese proripuit; deque ea, quæ loco satis edito erat, se præcipitem misit; contractaque tota dorsi spina, semianimus jacuit cū mœrore, & lamentatione omnium, qui priorem modestiam, & ætatem juvenis miserabantur; nondum enim octavum, & vigesimum annum excefferat. Sublatus inde, & in lecticam impositus, adhibitis custodiis Romam à Gysio statim asportari jubetur: nullo curandi officium intermittitur, cū tamen vel ita contractus curationi pertinacissimè reluctaretur, ut qui mori omnino destinaverat. Sub id tempus conjunctissimus illi condiscipulus Pierius Valerianus noster, qui rei fidem faciet, peregrè advenerat, amicumque statim salutandi causa inviserat, comperit inter medicorum manus destinatissime, quod poterat, omnibus ad-

versantem , nullumque remedii genus admittentem. Pierius quid actum esset , edoctus , blandis eum verbis alloquitur, indignissimum casum longè aliter ac erat, ut suspicionem elevarer , audisse se, statimque accurrisse, velle se in officio esse, neque amicum talem derelinquere ullo modo posse. Bono animo esse jubet, multaque de Pontificis erga eum benevolentia, quæ nuper audisset, pollicetur , quæque ad hoc apta videbantur, omnia commiscitur. Movetur Priulus amici, à quo se unice coli noverat, præsentia, & obligari fracta ossa , nervos distrahi , torqueri, componi, & acerbissimi doloris contrectationes constanter; & sine ullo prorsus clamore tolerat,perpetiturq; Nunquam tamen neque Pierius, neque Ferdinandus Sculus Leonis Decimi Medicus, neque necessariorum quispiam pervincere potuerunt etiam adactis intradentium claustra scalpris, ut Priulus cibum capere , aut vi immissum continere vellet. Atque ita cum nihil illi quicquã morte delibe-

liberatiùs esset, qui neque aquis, neque igne, neque ferro, neque altissimâ præcipitatione extinguere potuerat, pertinacissimâ quinque dierum inediâ consumptus inter unius Pierij lacrymantis ulnas expiravit. Obriguerant ad Colotij dictionem, factique hujus atrocitatem omnium animi, conversique ad Pierium, & Melinus, & plerique alii, qui casu convenerant, an ita res gesta esset, sciscitabantur. Ea vera nimiū fuisse Pierio cum lachrymis affirmante venit ab Augustino Cardinale Triultio puer, qui Granam magni negotii causa accerferet. Tabellarium enim ex Galliis expiditissimis itineribus advenisse. Quo accepto surrexit Grana, & cum Melinus, fraudatum se diceret expectatione, quod polliciti erant pleraque à Contareno sapienter super his disputata recitare. Erit inquit Grana cras, aut perendie conveniendi locus, neque enim tam procul habitamus, ut non unaquaque hora simul esse possimus. Quin potius *Pier.* inquam ego, mi Grana, tuque

mi Coloti diem statuimus, quo iterum conveniamus. Nam ego quoque mirifice cupio, quæ fuerit sermonum huiusmodi catastrophè, percipere, & si vestro cum commodo fieri potest, hic potius apud Melinum congressus fiat; apud quem continuum ego biduum sum commoraturus, dum mihi cubiculum apud Principem adornatur, & ut instrumentum meum, & bibliothecam, quam hic reliqueram, recensere possim. Placuit & Granæ, & Colotio, apud Melinum conveniri, dictaque dies, tempusque pomeridianis horis in crastinum.

Primi Libri finis.



I O A N -

IOANNIS PIERII
 VALERIANI,
 DE LITERATORUM
 INFELICITATE,

Liber Secundus.

POSTERO igitur die
 cū horā constitutā om-
 nes convenissemus:
 nam Colotius apud
 Granā pranderat, ego apud Me-
 linum remanseram; interve-
 runt etiam viri duo, nimirum lepi-
 dissimi, Thomas Petrosantius,
 & Io. Mar. Cathaneus, qui nos
 eo die plurimum quæsierant, &
 apud Melinum esse, tandem olfa-
 ctu veluti quodam investigave-
 rant. Et quoniam ambulasse ex
 frequentiore anhelitu videban-
 tur, salute data atque accepta,
 quamprimū sedere iussi sunt.
 Melinus, qui sollicitos eos ani-
 madvertebat, & quasi novi ali-
 quid dicturos augurabatur, ni-
 hil contatus, quid vos inquit
 amici optimi tam anxii, retenti-

que videmini, num quidnam affertis novi? Utinam inquit Petrosantius nihil hodiè afferrem novi, aut quod nuper ex Galliis allatum est, vanum mendaxque nuntium deprehenderetur. Admirati omnes, quonam evasura esset ejus oratio, in eum inspiciētes sermonis incepti finem expectabamus, ille tamen ne verbum quidem ulterius addebat; instamus omnes, & quidquid tandem haberet, ne nos diutius celaret, flagitamus. Tristissimum, inquit ille, nuntium vobis affero summum ætate nostrâ ingenio, optimâque doctrinâ, & incomparabili eloquentiâ virum, Andream Navagerium in Galliâ defunctum. Ad hæc Grana. Ecqua tibi nuntii hujus fides? Nam & nos de gravissimâ hominis valetudine, deque abjectâ salutis spe heri literas acceperamus, eâque de causa à Mæcenate meo Priultio vespere accersitus, ut conventum nostrum subitò dissolveremus, in causâ fui. Verum illæ ad nos literæ, depositum quidem Navagerium, nondum tamen extinctum

inctum admonebant; datæ autem erant literæ à fundulo 3. Nonas Majas. Quare, nisi quid certiùs afferatur, non est ut in animum despondeamus, quamdiu enim spiritus inest corpori, sperare de salute licet. Verum quas tu vidisti literas, quo die datæ sunt?

PETROSAN. Extinctus verè nimium est Navagerius noster, atque etiam elatus, ut nunc nuper tabellarius Regius, cui antiqua est cum domesticis meis consuetudo, mihi narravit, & efferri hominem suis ipsemet oculis vespertinis horis.... Maii... Galliæ oppido, ubi tunc Rex morabatur, inspexisse asseverat. Tum Colotius alto cum gemitu, Hoc unum nostræ inquit, aberat calamitati, hoc reliquum erat bonis literis infortunium, ut postquam Hispania nobis Castilionem ademerat, Gallia insuper Navagerium invideret, ficcine demum fatæ perseveranti odio literas insequuntur, & veluti reliquum Italiæ desolarunt, has etiam penitus extinguere constituerunt? Traxerat quidem omnes

nes animos in mœstitiam Nava-
gerii desiderium. Verùm ubi Co-
lotius Castilionem superaddidit,
ita omnes ingemiscere, affligique
cœpimus, ac si totidem fratres,
aut parentes coràm extinctos in-
tueremur. At quoniam, inquit
Colotius, nihil jam suave de lite-
ratis expectamus, posteaquam
hoc veluti auctarium additum
est, rectè sermonem, quem heri
occœperamus vel hoc uno de
nuntio continuandum censeo.
Quem obsecro sermonem inquit
Cathaneus? **COLOTIUS.** Li-
teratorum calamitates, indignos-
que exitus, & miserabilem penè
omnium vicem dolueramus, qua-
sique defleramus Gymnasio-
rum, atque Parnassi vastitatem.
CATH. Tristissimum quidem
argumentum. Sed quo nullum
uberius, neque copiosius multis
abhinc annis extitit. Sed quo-
rum hominum obsecro memine-
ratis? **COLOTIUS.** Longum
esset eos nunc repetendo recen-
sere, sed audies tamen ubi vo-
les ex quovis nostrùm. Nunc
quia institutum heri fuit, ut in
hanc

hanc arenam plerosque alios exhiberemus, tu si potes, quietus, & sedens ausculta, nos sermonem nostrum continuabimus. CATO. Ego verò maximè possum quiescere, neque quicquam mihi gratius accidere potest, quàm tales viros, qui loquantur auscultare; omnes enim vos ob virtutem, & literas in primis veneror, & observo. COLUTIUS. Literatissimus scilicet omnes, qui studiis iisdem delectantur, non ut plerique obliquâ invidiâ persequeris, sed tota animi sinceritate diligis: conversusque ad Granam, & Melinum, multa inquit heri de literatorum infelicitate exempla recitata sunt, quæ tu Grana, quæ Contarenius, quæ Pollio noster, memoriter enarraverunt; sed eorum me omnium maximè funera commoverunt, qui, ante diem desiderati, spem, quam de illis optimam conceperamus, exple-re factorum invidiâ nequiverunt. Non solùm enim in his voluptas ea nobis intercepta videtur, quâ ex eorum ingenio, & literis aucupabamur; Sed eorum etiâ causâ dolen-

dolendum est, quòd in eos fortunam maximè sævisse iudicamus, quia vix in lucem prodire eos incipientes oppresserit è vestigio. Nam qui ætate jam provectâ extincti sunt, vel aliqua suorum studiorum monumenta reliquerunt, vel sibi & musis tantum vixerunt. Quorum autem extant scripta, in nequaquam esse desierunt, perq; hominū ora volitantes vivunt, victuriq; sunt, dum erunt disciplinæ, dum Capitolii immobile saxum stabit. In illis verò, qui nihil scripsere, neq; scripturi fuerant, qui, uti faceret, qui mos est hominis, Jovius noster dicere solebat, semina intra renes præmorta secum extulerunt, parum iacturæ fecimus, quamvis jucunda alioquin eorum consuetudine privati doleamus. Cæterum quos ad lætissimam frugē perventuros persuasum habebebamus, quorumq; fecunditatem ab ineunte ætate largissimam intuebamur, eos merito miseramur. Quare quòd ita Decanalis obitum immaturum Contarenus ingemuerit, & aliorū juvenum vicē deplorarit, non indignum

dignum humanitate suâ fecit. At cur nos Romanos nostros ex hoc albo summoveamus, cūm miserrima tot exempla, atq; ea quidem recentia ante oculos obversentur ? Eos autem nullâ invidiâ Romanos appello, qui & Romæ nati sunt, & qui aliunde huc profecti apud nos, musasque nostras versati communem hanc sibi patriam delegerunt. Igitur si Paulus Decanalis tantæ omnium expectationi præreptus, summum sui reliquit desiderium, meo quidem judicio Bandinus Ptolemaeus Senensis non minori literatos omnes dolore affecit, qui juvenis admodum Græcis, Latinis, & Hebraicis etiam literis eruditissimus, Mathematicarum cognitione nobilis, stylo ad omnes animi cogitationes explicandas valdè elegans, per studiorum hujusmodi assiduitatem, laboresque, & vigilias in eam incidit valetudinem, quo ex intermissis exercitationibus acciderat; quâ cūm gravissimè complusculos dies ægrotasset, ante trigessimū ætatis annum ademptus

*Bandinus
Ptolemaeus.*

&

& Lactantium germanum fratrem, ipsum quoque eruditissimum, acerbissima in solitudine, & tam Senensem, quàm Romanam Academiam, magno in sui desiderio, perpetuoque mœrore dereliquit. Inter Romanos autem paucis antè annis non ignobilis fuit Nicolaus Valla, summæ juvenis eruditionis, Græcis, Latinisque literis apprimè doctus; qui quidem adolescens admodum ad Homeri sublimitatem eleganti Latini carminis facilitate cœperat aspirare. Is tamen nondum alterum à vigesimo egressus annum, fati quadam inclementia, eruditorum omnium spei surreptus est. Proximis autem annis Bartolomeus Tardolus, Lucæ Medici Camertis filius, eò processerat eruditionis, ut inter Academiæ Romanæ adolescentes, siue prorsam scriberet, siue carmen fingeret, siue inter Philosophos subtiliter disputaret, admirationi omnibus esset, nihilque de eo non summum, si fata eum ulterius esse permisissent, unusquisque sibi polliceretur.

*Nicolaus
Valla.*

*Bartolo-
meus Tar-
dolus.*

tur. Hic tamen tam probus, tam studiosus, tam acutus juvenis, altero à vigesimo anno iniquissima febris correptus, æternum sui reliquit desiderium. At Laomedon *Laomedon Tardolus.* hujus germanus frater, longè minor natu, per fratris studia successerat, ingenio, & eruditione summus ipse quoque brevi futurus, nisi dum bonarum artium studiis operam dabat, pestilentia, quæ Romæ desolationem subsecuta est, interceptus esset, non tam ille quidem Poetis, quàm etiam Jurisconsultis, in quorum castra commigraverat, assidue desiderandus. Horum autem pater Lucas Tardolus, honesta conditione vir, in arte Medica celebris, & ob integritatem, & suavissimos mores non vulgarem apud omnes gratiam adeptus, quot, & quantis miseriarum casibus, quot iniquæ fortunæ telis impetitus, quàm misero demum mortis genere sublatus? Nam ut acerbissimum Bartolomei filii funus, & incommoda alia, ærumnasque toto vitæ cursu exantlatas dissimulem. Quid illa tam
atrox

atrox calamitas, quæ repente
Romam oppressit, quæ unâ cum
plerisque aliis hunc quoq; cū uni-
versâ familiâ delevit? Invadentes
enim in ejus domum Hispani,
cū fortunas omnes diripuissent,
mox ad familiarium omnium
corpora torquenda conversi
sunt, ut, si qua occultata essent
proferrentur, nulloque in domo
& parca, & minimè locuplete,
auro, argento ve reperto, ad se-
nem excruciumdum aggressi
sunt, eumque ad putei trocleam,
funis manibus post terga revin-
ctis adalligatum, cū sursum, de-
orsumque jactatum inclementis-
simè torquerent, accidit, ut vel
troclea, vel funis abrumperetur,
atque ita senex infelicissimus in
puteum corruens ea est aqua sus-
focatus, uxor & filii tenerioris
ætatis summâ in mendicitate de-
relictî, quanquam Hispani, ut in-
vidiam declinent, Lucam ajunt
variis tormentorum generibus
excruciatum, cū eis tolerandis
impar esset, sponte se in puteum
immisisse, atque ita morte volun-
taria se ab Hispanorum crudeli-
tate

tate vindicasse. Suā quoque infelicitate oppressus est Franciscus *Franci-*
Palmerius Rom. civis, vir opti- *scus Pal-*
mè literatus, & Philosophiæ stu- *merius.*
diis clarus, utpotè qui & Pisis, &
Romæ, ea publicè professus erat,
ambiguumque faciebat, utrum
magis eruditione, an eloquentiā
præstaret. Is, cū apud claris-
simum Cardinalem Nicolaum
Rodulphum in honore haberetur,
triduo antequam Hispani,
Germanique Romam infidiis oc-
cupassent, urbe excesserat, æ-
rumnosissimamque illam calami-
tatem casu evitaverat, beneque
secum actum arbitrabatur, quod
licet fortunas suas omnes dissipatas
intelligeret, illarum tamen
miseriarum spectator non affuisset,
& in atrocissima captivitatis
id commoda non incidisset. Vix
tamen anno elapso, cū ad urbem
veterem Pontifice Maximo
jam ex Hispanorum captivitate
elapso ad officia rediisset, missus
ab eo ad Ioannem Baptistam Sabellum,
ut discordias inter eum
& Cæsarinos Romæ Proceres olim
obortas componeret, re con-
fecta,

fecta, commeatuque ab eo accepto Principe, medio in itinere ita evanuit, ut neque ejus, neque comitum fama, nuntiusve ullus unquam amplius apparuerit. Im-

Ioannes matura verò Joannis Francisci
Franciscus Furnii, viri Mutinensis, sodalis
Furnius. nostri jucundissimi, mors quantæ literatis omnibus accerbitati fuit? Erat is juvenis Philosophiæ scientissimus, mox & Græcas, & Latinas politiores literas superioribus illis studiis adjunxerat, ad hæc gerendis rebus non ineptus, Clarissimi Principis Herculis Gonsagæ, Cardinalis Mantuani, domum universam integerri- mē regebat, tantoque illi splendiderat, ut, cū multa essent, quæ Herculem summo opere commendarent, ex nulla tamen re propemodum majorem consequeretur adorem, quàm quòd Furnium seligere novisset, qui & adolescentiam, & res suas omnes tam sanctè, tamque sapienter moderaretur. Is autem Cardinalem suum secutus, qui se ad Pontificem ex hostium manibus elapsū officii causa contulerat, ur-
 be

be veteri in gravissimam incidit
valetudinem; qua brevi consum-
ptus, urbem eam tam excellentis
juvenis morte infamem fecit.
Quod verò paulò ante dicebamus
universam Tardolorum familiam
eversam, quòd pater unà cum fi-
liis literarum studiis oblectari es-
sent, meminisse alteriùs fecit, quæ
non minori clade afflicta est. De-
metrius enim Chalcondiles, cui
Græcæ literæ ætate nostra ab in-
teritu quodammodo vindicatæ,
quòd nunc vigeant, debere fate-
antur, quot ærumnarum eventis
oppressus, miserabilem semper
vitam egit? utque exilium, & pa-
triam cum universo Græciæ Re-
gno eversam, & errores, ante-
quam, ubi consistere posset, in-
veniret, innumerabiles omittam;
quàm miserum illud fuit, quòd
susceptæ prolis tam numerosæ
nullum unquam solatium perci-
pere potuit. Filiâ enim incom-
parabilis honestatis Jano Parrha-
sio in matrimonium collocatâ,
eam apud se tam diu alere coa-
ctus est, donec post aliquam an-
norum seriem, eo jam mortuo,
Leo

*Deme-
trius
Chalcondiles.*

*Theophi-
lus.*

Leo Pont. Maximus, conducto Iano, ut Romæ profiteretur, uxorem etiam ipsemet auctoritate sua traduci iusserit. Ex maribus autem Theophilum ingenio & eruditione præstantem habuit, qui quod spei maioris esse cæperat, eò acerbiores patris luctum fecit. Sub doctissimo enim patre, mox & sub Ioanne Lascare. cuius & contubernio, & clientelâ perquamdiu usus fuerat, multum profecerat; Græcisque, & Latinis literis apprime eruditus erat. Profectus hinc Papiam ad altiores disciplinas magnam de se concitarat expectationem, cum nocte quâdam, dum apud amicos cænatus domum se recipit, ab iis, qui alienæ virtuti invidebant, interfectus est. Hujus verò germanus frater

Basilus. Basilus Chalcondiles summâ & ipse Græcarum, Latinarumque literarum eruditione, sed longè maioris spei juvenis vix quartum & vigesimum ætatis annum agens, cum summâ omnium admiratione Græcas literas in Romano Gymnasio profiteretur, rapidissima

diffima correptus febris, florentissima in ætate defunctus est. Magnus ille nimirum futurus, nisi fata tantillum id felicitatis everfæ jam tum Græciæ sine Regnis, sine Republica ulla, sine viris, propemodum invidissent. Hoc enim erepto, & Musuro sublato, *Ioannes*
vix unustantum Ioannes Lasca- *Lascares.*
ris est superstes, qui literati nomen inter Græcos obtineat. Neque quidem ille ulla unquam vitæ suæ tempestate felix, nisi quantum virtute, & sapientia sua omnes, & fortunæ sævientis impetus, & valetudinis etiam, quæ de artubus omnibus laborat, atrocitatem exuperat. Sed enim cur aliorum ego desolatas domos percurram, cùm una maximè omnium, hæc ipsa inquam, ubi nunc sumus, duorum ante diem ereptorum adolescentium funere desolatissima videatur? scio me ad horum memoriam vobis omnibus, & ipsi cum primis Petro Melino fratri refractionem vulnerum afferre; sed quoniam eâ de causa hic hodie sumus, ut maximè doleamus, &

E adem-

*Hierony-
mus Me-
limus.*

*Celsus
Melinus.*

ademptus nobis tam excellen-
tium hominum consuetudines
deploremus, cuius, obsecro, fune-
re magis exacerbari, quemve
magis deflare possumus, quàm
immaturum duorum Melinorum
obitum? Ecquando enim Hie-
ronymi dememinisse poterimus,
quem ad maximam ingenii, & li-
terarum laudem genitum, fata
nobis quarto & vigesimo ætatis
anno tam longâ, tamque crucia-
bili valetudine vexatum invide-
re? Sed quid mæstius, flebilius-
que multis abhinc annis accidit
Romanis viris, quàm Celsi hujus
germani fratris interitus, qui tam
magni nominis adolescens, quam-
vis in ea erat ætate, quæ magna
polliceri potius, quàm præstare
solet, unde vigesimo tamen æta-
tis anno eade se præbuerat e-
xempla, ut non immeritò benè
literatos inter recenseri posset:
Nam, quod omnes nostis, & Phi-
losophicis disputationibus publi-
cè laudem sæpiùs adsecutus, &
in agenda contra Longolium
causa, quòd eum civitate Ro-
mana donari vetabat, qui Ro-
manum

manum nomen , atque adeò totius Italiae decus mordacissimis orationibus possidebat , & obscurare conatus erat , vehementis , & ingeniosi Oratoris commendationem adeptus est , Leonis Decimi Pont. Max. & totius Senatus approbatione. Paucis tamen post diebus , dum à Pontifice , qui tum extra urbem aberat , subscriptis largissimæ donationis libellis , expeditissimis itineribus domum in censo equo convectio redit , magnum hoc parentibus gaudium allaturus , tertio ab urbe lapide , noctis hora circiter quarta , cælo pluvio , aere tanta caligine obfuscato , ut neque ipse comites juxta currentes cerneret , neque ab eorum ullo cerneretur , in torrentem repentinis , iisque effusissimis , auctum imbribus unà cum equo , quo ferebatur , præcipitatus , è vestigio suffocatus est. Ipse verò Longolius patria , ut ipse de se profetur , Germanogallus , Italicarum tamen , Græcarumque literarum , & artium studiis expolitus , & oratoria jam facultare clarus ,

E 2 dum

dum Patavii maximam de se expectationem concitarat, immaturo præreptus funere, quæ multa, & elegantia parturiebat opera, intermittere coactus, nullo magis indoluit incommodo, quàm eo auferri tempore, quo iter sibi ad immortalem gloriam patefecisse, non temerè persuasum habebat, & tunc indignè concideret, cum speratæ palmæ cursum, plerisque longo post se intervallo relictis, jam jam se absoluturum arbitrabatur. Afflixerat omnium animos Celsi recordatio, eoque magis, quòd Petrus frater notabilliter expaluisse visus, ita vulnus, quod jam circiter septennium occalluerat, recrudescere visum, & quadam veluti suppuratione exacerbari. Quod cum Cathaneus animadvertisset, ut amicorum animos aliò diverteret: At sunt, inquit, in hoc genere mei quoque luctus, quoniam de iis est sermo, qui juvenes desiderati sunt; quid enim ego dicam de alumno meo dulcissimo Ioanne Bonifacio Victorio, cujus ingenium, & in historia sitibunda gravitas,

*Ioannes
Bonifacius.*

vitas, & elegantia vobis omnibus innotuit. Infelicissimus juvenis vix quartum & vigesimum natus annum, dum inchoatam Gottifredi historiam perficere contendit, Romanæ calamitatis pars magna fuit, captus ab Hispanis, spoliatus, malè tractatus, inedia, & cruciatibus omnibus affectus, cum teterrima illa pestis, quæ statim depopulationem illam subsequuta est, urbem invasisset, fugâ is per occasionem arreptâ, cymbam quandam ingressus est, ut in Lucaniam abnavigaret, accidit autem, ut bona vectorum pars pestilentia eâ contacta, eodem navigio constiparetur, atque ita ei contagioni impar, delicatior juvenis corpore, tabe eâ correptus est. Dum verò totam Italiæ oram auxilium implorantes, perlustrarent, à portibus & stationibus omnibus exclusi, neque quidem panis, neque aquæ factâ copiâ, secundum litora Lucaniæ oberrantes, & ipse, & plerique alii morbone, an fame teterrima, contabescerent incertum: in eadem tamen omnes na-

videfecere. Neque unquam potui cadaver ejus diligentissime perquisitum invenire, ut pro incomparabili ejus erga me pietate paria persolverem, tumulum illi tamen in littore inanem constitui, & magna manes ter voce vocavi. Deflevi etiam lugubri carmine tam probi vicem adolescentis, qui si fata impia rumpere potuisset, vix alium ætas nostra fuerat habitura, quem illi styli gravitate, judicioque, & elegantia compararet. Ad hæc Petrosantius sive joco, ut assolet, sive rei veritatem inquisiturus: Ecquid, ait, Alcyonii stylum fors parvipendere videris Cathanæ, cui tam multi primates viri primatum offerebant. Non displicuisset mihi Alcyonius, excepit Cathanæus, si quantum stylo profecerat, amicorum consilium de rebus adhibere voluisset, qui nisi ipsimet sibi tantum arrogasset, futurus omnino fuerat è primoribus; multam enim Græcis, Latinisque literis operam impenderat, & disciplinis variis oblectatus erat. Verum is eo primum

mum infelicitatis incommodo flagellatus est, quòd dum de literatis omnibus malè sentit, dicacissimâ omnes obtrectione lacerabat, undè omnium tam doctorum, quàm imperitorum in se odium concitavit. Fortunarum mox direptionem Columnensæ sacrilegio passus, mox Hispanorum, Germanorūque incursionibus occupata Roma, dum vitæ consulturus suæ Pontificem Clementem in Arcem Æliam confugientem subsequeretur, instantibus à tergo grassatoribus, sulfurea glande brachium trajectus est. Vbi primùm obsidio soluta est, rebelles in Principem animo, qui hominem fovendum suscepit, ad Pom. Calumniam Cardinalem transfugit, apud quem pauculos commoratus menses vitam morbo finivit; atque utinam de pietate nostra melius sensisset, ne vitæ finem, quod indignissimū est homine literato, infidelitatis labe contaminasset. Et quoniam in hujusmodi dictionem incidi, liberaque, ut video, unicuique facultas datur, quem cuique in mentem

*Christo-
phorus
Battus.*

venit, deplorare, neque tragœdia hæc per partes dispenseretur, sed hydræ more uno vel alio abscisso capite, alia atque alia suboriuntur, enarrabo vobis conjunctissimi familiaris mei Christophori Battii exitum indignissimum. Notis autem omnes Parmensem hominem, multæ lectionis virum, Græcis, Latinisque literis optimè eruditum, copiosæ in versufaciendo facundiæ, prosa non ineleganti, Philosophiæ non ignarum, multis tota vita calamitatibus labefactatum, paupertate, naufragio, peregrinatione per avia montium, ut instantes piratas Mauros, evitaret, bonorum jactura, & incommodis plerisque aliis afflictum. Romæ is Præsulibus aliquot operam & à secretis; & à literis navavit, quorum demum moribus offensus, suo decreverat jure vivere, sed Arretinæ mox præfectus Cathedræ, paucis inde mensibus, dum impar eorum factioni est, qui fautoribus suis adversabantur, fœdisque calumniis hominem incessabant, abjurare professionem coactus

magno

magno cū dispendio Bononiam in contubernium meum se receperat. Inde à Parmensibus civibus accersitus, in eā urbe patriā honestissima est cathedra decoratus. Hic ille reliquum vitæ tempus, ac si denu in optatissimum portum confugisset, cum Musis per summum otium acturum se conceperat. Verū ecce Galli paulò post Duce Lutrechio, sub speciem ferendi auxilium Clementi in Hadriani mole ab Hispanis obseffo, Parmam ingrediuntur, deque eā opprimenda dum cogitant, dum causas queritantes & hunc, & illum, atque universam denique civitatem omni calumniarum genere persequuntur, eo consilio, ut excitato per cives tumultu, si quis impatientior fuisset, quā indigna illa ferre posset, aliqua per urbem sæviendi daretur occasio. Igitur qui apud Christophorum hospitio susceptus erat, liberaliterque tractatus, impurissimus vir beneficium hospitem furti sibi facti infimulavit, adeoque pertinaciter nullis indicis reum egit, ut eum

torqueri etiam passus sit, civibus omnibus, qui probitatem hominis noverant, eam injuriam deplorantibus. Æstate mox sequenti epidimiâ in Parmenses debacchante, contagione eâ sublatus est, quodque omnium infelicissimum fuit, scripta ejus, quorum bona pars victura erat, una cum reliquo instrumento, ut pestilitatis tempore fieri solitum, concremata sunt. Et ut reliquos hujusmodi studiorum professores, quos noverim cis, aut ultra Padum, in memoriam adducam. Video enim literatos eos esse vobis, qui literas vel voce, vel scriptis illustrare conati sunt. Tres igitur ex hujusmodi classe vobis memorabo. Ex quibus Daniel Gajetanus Cremonensis, magni nominis Grammaticus, annos multos summâ cum laude docuerat, &, quod rarissimis accidit, in patriâ urbe honestimâ conditione profitebatur. Ejus famâ impulsus Franciscus Marius Sphorcius, Insubrum Dux, Mediolanensi eum cathedræ præfecerat. Cùm ecce Mediolanum

ab

*Daniel
Gajeta-
nus.*

ab Hispanis, ejusdem Ducis focis occupatur, exactoque Principe Daniel quoque in procellosa eā turbā, & confusione rerum omnium, cū nullus bonis artibus locus esset, miserrima quæque perferre cogitur. Insubriā demum universa bello exardescēte reversus Cremonam & curis, & egestate confectus, in maximarum quasi concursum ærumnarum venerat, quibus undique afflictus, & jam omni spe salutis orbatus, mendicabundo similis in eā ægritudine consumptus est. Alter fuit Tadius Ugoletus, patriā Parmensis, vir maxime omnium unus, cui fortuna fit arridere visa, dum juventutem apud potentissimos Reges magnō in honore peragit, eorūque favorem in se propensissimum sentit. Is tamen Matthia Pannoniæ Rege defuncto, multisque totā Italiā Principibus defectis, in patriam, re admodum tenui, reversus ad didascalicas nugas se conferre coactus est; quo ex labore vix tantulū adsequebatur, quod ad necessaria vitæ susten-

Tadius

Ugoletus.

*Stephanus
Niger.*

tanda sufficeret, in eâ demum inopia defecit; neque quicquam ex magnis, & multis operibus, quæ magno cùm labore, & diligentia lecta inchoaverat, spatiis exclusus iniquis, relinquere potuit absolutum. His tertium addemus Stephanum Nigrum Cremonensem, Græcarum literarum studio nobilem, quas Mediolani per annos multos docuerat. Incidit is in eam temporum calamitatem, qua nulla multis ab hinc annis illi urbi ærumnosior accidit. Eâ enim ab Hispanis oppressâ, bono cuique viro illic esse miserrimum fuit. Nam in summa gladiatorum impunitate omnia sine legibus, sine judiciis, sine jure, sine fide, relicta erant direptionibus, & incendiis. Tam misero igitur tempore, & salariis, & alia omni Minervali mercede defraudatus, ad extremam redactus paupertatem eâ temporum perturbatione, dum turbulentis tot, tantisque rebus urgeretur, neque ulla ex parte allevationem ullam speraret, in lacrymis, & sordibus infelicissimè defecit. Sed nolim,

nolim, dum Transpadanos recens-
seo, Andreae Maronis oblivisci, *Andreae*
cujus felicissimam pangendis *Maro,*
carminibus extemporalitatem
nemo unus ætate nostra non ad-
miratus est, solitus ille quidem, ut
super eo Pierius noster cecinit,
Mille ex tempore carmina crudita,
Quis nil sit lutulentum, inexploratum,
Nil absurdum, & inane, nil hiul-
cum, emodulari quotiescunque
amicorum rogatu invitaretur. Id
quod tribus præcipuè versuum
generibus indifferenter factitare
consuevit, siue elegum, siue Pha-
læcium, seu Sapphicum Hende-
cassyllabum deposceres, nihil
contatus, quod proposuisses ar-
gumentum, horum quovis car-
minis numero continebat. Hujus
tamen vitæ exitum infeliciissi-
mum, talique indignissimum in-
genio, nemo non misereatur,
quanquam & reliquâ vitâ infe-
lix potius, quàm beatus, haberi
potuerit. Qui licet usque adeò
eruditorum omnium commen-
datione, & Principum, quos co-
lebat, judicio probaretur, à ne-
mine tamen tantum consequi po-
tuit,

tuit, ut non alienæ quadræ victum per officia, quæ faciebat, emendicare cogeretur. Is denique in acerbissimas illas Romæ incidit calamitates; quibus oppressus, captivus actus, fortunis omnibus, quantulæcunq; essent, expoliatus, & indignissimis modis malè habitus, ærumnosissimam inde vitam per menses aliquot traxit. Vivus tamen è latronum manibus elapsus, capite ære gravi redempto, Capuam, ubi tenui admodum sacerdotio potiebatur, migrare sæpius cogitaverat. Verùm librorum, atque adeò poematum suorum desiderio detentus, eorum recipiendorum spe urbe excedere non poterat, atq; insuper ob ægritudinē, & incommoda, quæ diu perpeffus fuerat, toto erat corpore debilitatus, felleq; per universam cutem suffuso, in aurata pallidior statua videbatur. Igitur is dum menses aliquot scriptis suis investigandis frustra consumit, in magnâ rerū necessariarum inopiâ, & illorum inveniendorū desperatione, tantis malis fractus, cum se oleū, & ope-

rā perdidisse conspiceret, de mœ-
rore & ægitudine in febrē illap-
sus, paucissimarum horarum spa-
tio, loco ignobili, & solitario, di-
obolari in tabernulâ, re nulli ami-
corum cognitâ, qui nulli homi-
num, dum vivebat, ignorabatur,
demum moriens omnium oculos
fefellit. Atque ita nunc & Maro-
nem ipsum, & lepidissima ejus
scripta, eruditissimus quisque de-
siderat. Fuit nimirum is Portu-
nensis patriâ Forojulij oppido,
quod nonnulli Portum Naonis
vocitant, cujus tamen pater Bri-
xiâ ferebatur oriundus. Inde Pe-
trosantius: Quid, inquit, & Ro-
mam ipsam, & Italiæ regiones
ferè omnes perlustrastis, & unam
tantum Etruriam declinastis,
cùm clarissima illic literarum lu-
mina fuisse, neque minori cala-
mitate extincta, quàm bona eo-
rum pars, quos memorastis, mul-
ti meminerint. Tum Melinus:
Eram ego, inquit, eos recensurus;
sed posteaquam te hic adesse vi-
di, tuas esse partes Etruscos pro-
ferre judicavi, eâque de causâ
me continueram. Quod si para-
tus

tus es dicere, te libentissimè, ut pro his omnibus loquar, auscultabimus. Excepit Petrosantius; Vellem quidem lætius mihi dicendi argumentum dari, ne vulnera sermonis istius asperitate refricaremus. Sed quoniam, è re nata, colloquii istiusmodi genus incidit, eâ præcipuè de causa species hæc non parum oblectare videtur, quod vestram omnium ingenuitatem indicat, qui, dum tot probos homines per querimonias, & deplorationes desideratis, summum animorû vestrorû candorem indicatis; & illi reviviscere quodammodo videntur, quoniam in bonorum memoria versantur, quorum pars bona nisi vestræ dictionis testimonio cognita esset, eos vetustas, ut alios nimirû multos, oblivione obruisset. Sed quoniam Etruscos à me recenseri cupitis, unde potius incipiam quàm ab eo, qui totius Etruriæ lumen esse cæperat? Fuit autem is Petrus Medices Laurentii filius, vir & Græcis, & Latinis literis, optimè, quod omnes fateamini, peritus. Nam hoc & scri-

pta

*Petrus
Medices.*

pta ejus indicant, & quædam ex Plutarcho, de Amore Conjugali, quæ vidimus, traducta ab eo, locupletissimè testantur. Sed vires hic quoque suas expertus, post Laurentii patris obitum dejectus de Florentini domini administratione per factiosos, qui vitæ etiam ejus insidiabantur, cum variis per terrarum orbem peregrinationibus agitatus esset, auxilium atque opem undecunque imploraturus, Gallicæ demum adhæserat factioni: sed victo, fugatoque ab Hispanis juxta Lyrim eorum exercitu, Cajeta ipse, ubi cum uxore confederat, aufugere parabat; dumque navem incendit, mari procellis commoto, fatiscente statim navi, sive potiùs multitudine insipientium oppressa, cum eâ arte conspectum Alphonfinæ uxoris, in ipso portu urbis à vorticibus devoratus est. Simili mortis genere sublatus est Marullus Tarchoniota; qui quantæ fuerit eruditionis, hymni & epigrammata ejus, quæ magna cum laude omnium in manibus versantur, facile

cilè indicant, tum inchoatus liber de Principe eorum omnium iudicio, qui opus inspexere, antiquitatem in certamen provocare iudicatur. Hic tamen tam sublimi ingenio, tantaque doctrinâ vir, quamdiu vixit, militari stipendio sese alere coactus, in assiduo semper labore vitam traxit infelicissimam, nullius unquam Principis liberalitate ita adiutus, ut in literarum otium se conferre posset. Demum dum Siclam, qui olim Cecina dicebatur, fluvium vel exigua tunc aqua fluentem ingressus, sive equum potaturus, sive aliâ de causâ tantillum immoratus, sensit equum anterioribus pedibus ita in arenas alvei semper infidi voraginosas absorberi, ut emergere inde non posset, dumque indignatus eum calcaribus adurget unâ cum eo in cœnum provolutus est, impactoque crure sub canterij ventrem, cum neque surgere, neque se inde exsolvere posset, modica admodum ejus profluentis aqua suffocatus interiit. MELINUS. Verum igitur fuit, quod meus Pierius jam
tum

tum puer de Marullo cecinit.

CATHAN. Quidnam? illud mu-
fici recita obsecro, quoniam li-
benter ejus cantilenas ausculto.

MELINUS.

Cur adeò fluctus contra conaris? in undis

Oppertisse horres cur Helicone satius?

Ignis ut gelido vigor extingatur in amne

Forte times? at qui, sapè sit ignis, aqua.

Non hoc, inquis, habet malè me; quod miles
& acer

Sim, doleo: sub aquis militem obire pudet.

Ab ne indigneris, miles licet impiger, astra

Hac pervulgatâ fortibus ire viâ.

Hac pius Aeneas, & bello magnus, & armis

Hac Roma fertur Romulus isse pater.

Debentur calo fortes: calo ignis, & aer,

Undaque supposita est & infima terra tenet.

Scendenti à terra ad calum stat limes in undis

Primus: age hac calum scande Marulle viâ.

CATHAN. Meritò quidem con-
solatione indigebat. Nam ferunt
illum primo statim casu vehe-
menter excanduisse, utque erat
iræ impatiens convitia, & male-

dicta in superos detorsisse. Paucis

autè ante annis Angelus Politia- *Angelus*

nus, nullius ignarus eruditionis, & Politia- *Politia-*

disciplinæ, cum in adversa Medi- *nus.*

corum procerū tempora incidis-

set, inclinantibus jam Petri, quem

ipse literis instituerat, rebus, in

eam incidit ægritudinē, ut in mul-

tis,

tis, & variis molestiis, cogitationibusque consolationem nullam admittere voluerit, atque ita demum dolore, mæstitiaque confectus, expiravit. Quodque illi longè fuit infelicius, confictâ in eum turpitudinis fabulâ maledicentissimis obtreptionibus proscissus, calumniatusque est, utque eâ gens promptissima est ad infimulandum, in invidiam Petri ipsius ignominiosam, aliam mortis voluntariæ causam universo terrarum orbi magna cum ejus infamia propalarunt. Ærumnosus etiam fuit Marcelli Virgilii viri Florentini exitus, ejus beatissimam in profitendo copiam, & facilitatem omnes admirabantur, quique aliquot variæ eruditionis voluminibus benè literati hominis nomen adsecutus est. Is autem cum rusticationem pararet, equum inscensurus, ab eo ferociente excussus, mentum ad parietis angulum adflixit, elisaque lingua, expedito nunquam inde sermone effari valuit. Sed balbutienti similis, eo nunquam incommodo destitit afflicti, qui

vide-

*Marcel-
lius Virgi-
lius.*

videret arma eā sibi mutilata, quorum usu magnam apud mortales gloriam acquisierat; ut reliqua missa faciam, quæ publicè hominem angebant, quòd multa contra voluntatem suam, & præter opinionem accidisse videbat, ut qui quorundam hominum potentiam patientiùs ferre non poterat, minusque ullam ab hujuscemodi molestiis aberrationem invenire, in eo vitam mœrore finivit. Fuit & Hieronymus Massainus Etruscus genere, qui multæ lectionis, emunctissimi-que judicii vir, Romæ aliquot Principum à secretis fidelem, & diligentem operam navavit. Verùm cum ingratos potentiorum aliquot animos expertus perquamdiu fuisset, sibi demum vivere decreverat, suæque demum curans, sperabat vitæ reliquum in otio transigere, cum ecce fici- cariorum tempora Hispanis, Germanisque, ad Romæ directionem, irruentibus, incubuere. Hic ille amissis bonis omnibus, captus, venditus, redemptus, moxque alii, atque alii in capti-
vita-

Hieronymus Massainus.

vitatem traditus, cum astu Romam demum effugisset, & sexcenta in itinere vitæ pericula adiisset, à rusticis latronibus, tunc vias omnes obsidentibus, malè sæpiùs acceptus, Venetias tandem applicuerat, ibi in aliquam se latebram abditurus, ubi, quod dictitabat identidem, nec Pelopidarum nomen, nec facta audiret. In posterum vi tempestatum, & concursu calamitatum labefactatus, atque convulsus, tametsi horum malorum initia multò ante viderat, & ventura prædixerat; in tantâ tamen rerum omnium amissione, &, quod graviùs angebat, recuperandi, aut parandi unquam desperatione, dolori impar effectus, apud Thomam Campegium, Feltrensem Præfulem, vix viginti dierum spatio in humanis fuit. At Scipio Carteromachus Pistoriensis, quâ literatura fuerit, siue carmen Græcè, siue Latine pangeret, siue orationem elucubraret, ex multis ejus scriptis unicuique erudito viro licet inspicere. Plurimum verò proderat ingeniis, abditis-

*Scipio
Cartero-
machus.*

ditissimos quosque locos disciplinis in omnibus interpretando, ut facillè diceres, nihil ad hanc diem scriptum, quod ille non legisset; nihil ab eo lectum, quod non in aliorum frugem benignissimè communicaret. Is Venetiis magno semper in honore habitus, cum duris bellorum temporibus tantum instare malorum Venetis inspexisset, neque in earum rerum perturbatione literarum studiis, & otio, quod tanto affectabat opere, locus esset, abire & ipse coactus Romam se contulit, ubi à Francisco Alidoxio, magno tunc nominis Cardinale, in amicitiam adscitus est. Eo mox intra Ravennæ mœnia occidione sublato, non sine suorum studiorum jacturâ Romam reversus, apud hunc Colotium nostrum, cujus in litteratos omnes liberalitatem nemo nostrum non expertus est, quàm conjunctissimè convixit. Mox Leone ad Pontificatum adsumpto, cum primâ illi Principi infedisset cura, ut Iulium patruelem fratrem in summi ordinis collegiū cooptaret, &
jam

jam hominem sacris Florentinorum præfecisset, Scipio illi studiorum socius datus, cui quidem, ut & probatissimi mores, & literæ ejus optimè exigebant, carissimus esse cœperat, neque dubium, quin & ipse de ornando studiorum socio cogitaret. Accidit verò, ut paucissimos post menses, ex quo à tanto Principe in amicitiam acceptus fuerat, repentinâ correptus febris, Pistorii prius moreretur, quàm ullam favorabilem sibi auram adspirare sensisset. Eodem in albo repouendus Joannes Oricellarius summæ vir integritatis, quique literarum studia vel à teneris unguiculis sectari cœperat, & apud Bernardum patrem eruditissimum virum, & apud Mediceos, hujusmodi studiis in eâ domo florentibus, educatus fuerat. Erat is Leoni Decimo Pont. Max. amitinus frater, neque ullus erat, qui tum morum, tum literaturæ, nobilitatis, & consanguinitatis gratia, non eum speraret ad Cardinalatus apicem in horas evehendum. Sed fortuna illi quosdam

*Ioannes
Oricellarius.*

dam opposuerat, ad eadem aspirantes, & parem cum eo gratiæ gradum affectantes, quibus Leo quamvis ad blandiretur, homines tamen non usquequaque probabat, quòd patrem, seque, & familiam suam omnem eorum infidiis impetitam, & magnis calamitatibus affectam recordabatur. Verebatur igitur hos sacris patribus admiscere, & eorum vires, quos hostes perpeffus fuerat, augere. Neque tamen illi ferè integrum erat Joannem in Cardinalem cooptare, quin & eos affinitatis vinculo sibi junctos adscisceret. Interim dum animi pendet Pontifex, repentino intercipitur morbo Oricellarius, quod ejus auxit calamitatem, eodem ipso tempore Pontificius Orator apud Franciscum Galliarum Regem infeliciter agebat. Nam Leo Regem armis lacefferat, & Regno Italiæ dejecerat. Ad ridere mox Joanni visa fors melior, quòd haud ita multis post mensibus Julius Medices Cardinalis Leonis frater patruelis Pontificatum adeptus est, Qui

Joannem statim moli Hadrianeæ præfecit. Ita enim soliti Pontifices animum erga eum, quem plurimi facerent, indicare; nam quos eâ præfecturâ honestarint, nullâ mox patrum controversiâ in Cardinalem, ubi adli-
buit, adsciscunt. Quod vix unquam, nisi Pontificis interueniente obitu, fallere visum est. Hic igitur Oricellarius, dum se totum literarum studiis restituit, & fortunæ demum fallacias declinasse haud temerè sibi persuadet; dumque Clemens de more quodam suo contator ornandi hominis diem de die ducit; ille in rapidissimam illapsus febrem, magnæ doctorum hominum spei præreptus est. Neque indignus est Io. Franciscus Roboreus, qui hos inter locum obtineat suum; & quamvis Etruscos tantum enumeraturum me initio proposuerim, eventum tamen similitudo facit, & amicitia, quæ mihi cum eo Præsule conjunctissima fuit, ut ejus debeam meminisse. Iuvenis is & literatura, & moribus, & nobilitate generis insignis; Bononiæ

Io. Franciscus Roboreus.

noniæ primū, mox Perusiæ literis, & disciplinis optimis fuerat institutus, qua fama impulsus Iulius Secundus Pont. Max. conjunctum sibi majorum consanguinitate juvenem vix alterum à vigesimo annum agentem arcessiverat, eaque ætatula Arci Æliæ præfecerat. Dumque ibi vitam is & honestam, & literariam agit, sæpius à Iulio admonitus adesse tempus, quo eum in Cardinalium Senatum adoptaturus erat, & jam nomen præscripserat, quo eum inscribi placebat, edixeratque ingenij minimè varij Princeps, ut ejus nominis ergo Presbyterum profiteretur, professus erat, stolas pararat, scyrmata, sceptrum argenteum, fasces, manticam, & quæ ad ejusmodi dignitatis ornatum necessaria videbatur, quin & dies, quâ hæc transigenda fuerant, dicta. Cùm statim Pontificiæ copiæ apud Ravennam à Gallis fusæ, fugatæque Iulium ab aliarum rerum cogitationibus avocarunt; dumque modò saluti ipse prospicit suæ, modò Gallū ulcisci parat, modò

eum Italia ejicit, in morbum incidit, quo intra paucissimos dies absumptus clarissimi juvenis spes, cogitatusque omnes evertit. Idem tamen à Leone Decimo, qui Julio successit, ob navatam fortiter, & sapientissimè operam in arce custodienda, Pontificiisque thesauris ingentibus à direptione servandis contra multorum infidias, qui eis inhiabant, in spem iterum erectus, & Pontificis pollicitationibus, & Francisci Galliarum Regis favore fretus, quicum ad finitatem contraxerat, nepte ejus Monæci Domina Hieronymo fratri germano suo nuptui collocata, dum Regem in Æmiliam ad Pontificis auctoritatem se conferentem comitatur, exitinere in morbum incidit, quo pauculos admodum dies Bononiæ conflictatus, dum & Rex, & Pontifex de eo ornando agitant, ipse sextum & vigesimum nondum ingressus annum & honoribus, & humanis omnibus cessit. Sed jam revertor ad meos Petrus Martellus Florentinus vir inter ætatis suæ lite-

*Petrus
Martellus.*

literatos non ultimum obtinuit locum, siue tu Græca, siue Latina, siue etiā Hebraica posceres: multæ etiam lectionis in omnibus disciplinis fuit, epistolæ eleganter, epigrammata acutè & eruditè conscripsit. Indignissima tamen totius ferè corporis valetudine excruciat, articulis miserabiliter affectis, paralyti, & stomachi cruditate, & sexcentis aliis incommodis afflictatus diutissimè decubuit. Quæ morbi & magni, & diuturni atrocitate factum est, ut doctissima, quæ parituriæbat opera, parere non potuerit. Sed ea tamquam abortiva, & imperfecta reliquerit, magna quidem nominis sui, sed longè majori studiosorum omnium jactura. Quatuor tamen libros exactissimæ interpretationis in Mathematicas disciplinas Braccius ejus filius ab interitu vindicarat, vel ipsius auctoris de se testimonio absolutos, atque ii Barbarorum manus effugerant, Braccii ipsius diligentia in Arcem Æliam asportati. Sed enim in Petri Alcyonii manus cum in-

cidissent, ita suppressi sunt, ut nusquam amplius apparuerint.

Gerius Valdambrius. Etruscus fuit & Gerius Valdambrius, Arretinus domo, vir in literarum studiis toto vitæ tempore versatus, multorum Cardinalium à secretis, à Julio Cardinali Mediceo, qui nunc summus Pontifex est, virtutis ergò in amicitiam adscitus, & in honore habitus, vix altero ejusdem Pontificatus anno frui potuit; repentinà enim morte unius vix horæ momento sublatus, honorum, qui homini destinati erant, immunis fuit.

Vitellius Typhernas. Vitellius autem Typhernatum longè Princeps, eo mihi admirabilior videtur, quo etiam rarior in militaribus, Principibusque viris, literarum delectatio. Is & Latine, & Græcè peritus morali etiam Philosophiæ, præter summum Historiæ, & Cosmographiæ studium, operam dederat non indiligentem, ut non immeritò inter literatos locum mereatur. Sed ut ad genus mortis infelicitis, quæ de agitur, veniamus; Columnensi bello, quod à Clemente gestum est,

est, in sacrilegij Romani castigat-
tionem omnia prudentia sua re-
xit, futuraq; erat auctoritas Pon-
tificia eo duce tutissima. Sed pau-
cis ante diebus, quàm latronum
exercitus Romam opprimeret,
Vitellius subitariâ morte præ-
reptus expiraverat. Sed & duo-
rum juvenum crudelis exitus mi-
hi venit in memoriam, quorum u-
terque majestatis læsæ reus mi-
serabiliter occubuit. Jacobus e-
nim Jacettus, juvenis & Græcè, &
Latinè egregiè peritus, pangendi
carminis auctor nō illepidus, Flo-
rentinam cathedram obtinebat;
sed infelici suo fidere conjuratio-
nis in Julij Cardinalis Medices
cædem certo die patrandam con-
scius fuit; qua patefactâ, captus
ipse, & tam nefandi sceleris con-
victus, Senatus Florentinī judicio
securi percussus est. Almericus
Miniates promptissimæ, & ele-
gantis extemporalitatis in versu
faciendo, quodd potētiores quos-
dam maledico prosciderat carmi-
ne, ab Horatio Balione laqueo
strangulatus est. Et quoniā Colo-
tius Romanos eos appellavit, qui

*Jacobus
Jacettus.*

*Almericus
Miniates.*

*Picus Mi-
randula-
nus.*

Romam sibi contubernium delegerunt, eâdem ego ratione inter Etruscos eos ponam, qui Florentiæ vel profecerunt in literis, vel alios instituerunt, quorum duo præcipui. Mirandulanus Picus, & Hieronymus Savonarola. Picus enim literaturâ supra humanas vires anteaactâ ætate nullâ controversiâ summus, multa totâ juventute incommoda perpeffus, causam apud Alexandrum Sextum dicere coactus, quasi de Christianâ pietate malè sentiret, accusatus. Absolutus demum, Florentiamque reversus, ubi studiorum suorum Musæum instituerat; anteaquam virilitatis annos ingrederetur, mæstitâ quâdam non levi de causâ affectus tantam concepit ægritudinem, ut quodammodo vitam aspernari videretur, atque ita inter suspiria, & occultas lamentationes, ægritudine sua nulli amicorum communicatâ virente eâ ætate, desideratus est. Savonarola autem Divi Dominici sacris initiatus non modò literatus, sed magnæ apud literatos omnes

*Hieronymus Sa-
vonarola.*

omnes auctoritatis, Christianæ disciplinæ Concionator egregius, admirabili omninò doctrina, nisi pravo eam ingenio contaminasset, postquam facundia fretus sua Florentinum populum eò compulerat, ut ab Alexandro Pontifice Maximo, atque adeò ab Ecclesiæ Romanæ institutis dissentiret, majoremque sibi adrogaret auctoritatem, quàm ab ipso rerum opifice per manus traditam ad secutus esset Petri successor Rom. Pontifex; de doctrina sua, deque Dei familiaritate, quæ se ad colloquium usque dignatum palàm profitebatur, fidem æquo pertinacius tueri perseverat, mendacitatis, & imposturæ demùm convictus, impietatisque damnatus, in urbis, quam deceperat, mediocum assedlis aliquot concrematus est. Hic Melinus. Cursum nunc audire velim, qui se quoque magnam literatorum carnificinam inspexisse dicit: huic igitur dicendi partes demandemus, & cum nemo eo libentiùs loquatur, præstet ipse linguam, nos aures ad-

commodabimus. C O L O T .
 Rectè admones Petrosancti, nam
 & ipse mirabar, cur tamdiu tace-
 re posset, & quantum in me e-
 rat, libentissimè loquendi copi-
 am illi facere cogitabam. C U R -
 s I U S . Ego verò vobis lo-
 quentibus sermonem abrumpere
 aggressus essem? non sum tam
 impudens, neque tam impru-
 dens. Sed quoniam me dicere im-
 peratis, eorum sequar argumen-
 tum, quod jam in promptu est,
 de his, qui uiolento mortis gene-
 re sublati sunt, quorum duo mihi
 præcipuè indigna passi videntur,
 Pandulphus Pisarenfis, & Cyn-
 thius Anconitanus; Pandulphus
 enim non jurisconsultus tantum
 scientissimus, verum & in poli-
 tioribus literis, & disciplinis
 versatus, aliqua ingenij, & eru-
 ditionis suæ monumenta postè-
 ritati legenda reliquerat. Sed in-
 cidit in res novas, & rerum,
 quæ sub Valentino Cæsare eve-
 nerunt, vicissitudines, suspectus-
 que Principi, quòd adversæ facti-
 onis esset, laqueo vitam finire ius-
 sus. Anconitanus verò Cynthius
 poëticiis

*Pandul-
phus.*

*Cynthius
Anconi-
tanus.*

poëticiis studiis valde celebris, acrique & eleganti ingenio præditus, Matthiæ Pannonij Regis amicitiam promeruerat, à quo magnis honestatus honoribus, & donis, præclaram agebat vitam; eoque Principe jam defuncto, complures annos vixerat honestissimè. Domesticis demum infidiis, & fratris germani scelere asperè, & acerbè accusatus apud Julium Secundum Pont. Max. quòd contra sacerdotum imperium sentiret; vir alioqui simplicitatis integerrimæ, summâ cum diligentia captus, & in Phanensi arce perpetuo carcere condemnatus, vitam miserabiliter finiit; quanquam non defuerunt & aliæ calamitates, quæ sub Alexandri Sexti dominatione hominem extorrem fecerunt, & miserabili exilio per annos aliquot vitæ subsidia ex amicorum liberalitate emendicare coëgerunt. Quòd verò Cynthius Phani desideratus est, Octavij Cleophili Phanensis viri reminisci facit, qui & ipse fortunam expertus est iniquissimam. Post multos

*Octavius
Cleophilus.*

Sigismundus Xanthus.

enim in liberalibus artibus labores exhaustos , dum sibi quærit requiem, uxorem Centumcellis acceperat , quam dum in patriam traducere cogitat, à socero, quod eum dote fraudaret, veneno sublatum est. Quid verò vobis Dicam de Sigismundo Xantho Carpenfi, amico meo suavissimo, quem literarum studiis clarum, præsertimque Philosophiæ professorem disertissimum Gymnasia sunt admirata. Verùm ubi Alberto Pio Carporum Principi adhæsit, Regum negotiis procurandis adhibitus, dum expeditissimis itineribus Legatus ad magnos Principes dimissus iter Verona arripit, ante lucanis horas antequam Tridentum appropinquaret, ab hospitis famulo, qui nocturni itineris dux adscitus erat, spe prædæ peremptus est, numerofo filiorum grege in egestate relicto. Cæsaris autem Sacci repentina mors uni illi forsitan commoda, nobis verò, qui jucundissimâ ejus lepiditate fraudati sumus, visa est acerbissima. Laudensis is fuit, Iacobi Triultii fami-

Cæsar Saccus.

familiaritate clarus , ejusque factionis adfectator acerrimus, vir alioqui Græcè , Latinèque doctissimus, versu , prosaque oratione non inelegans , Mathematicarum optimè sciens. Dum autem apud Scaramuzam Cardinalem Triultium à cœnâ fabulatur, subitariâ paralyfi suffocatus interiit è vestigio. Longè autem diverso mortis genere sublatus Fabius Calvus Ravennas , summæ senex integritatis , qui non diestantum extremos , sed universum vitæ cursum per ærumnas & incommoda transegit. Latinis iste , Græcisque literis eruditus egregiè, nunquam tamen neque sanctissimis moribus, & continentia summâ , neque multarum vigiliarum lucubrationibus, laboribusque tot , quos in sexaginta Hippocritis libris traducendis, edendisque exhaustit, tantillum consequi potuit, quod frugalissimæ alioqui vitæ necessaria sufficeret, in egestosa semper inopiâ à Principibus habitus, reiectus, atque contemptus. Ad hæc in difficillima Romæ tempora, capti.

*Fabius
Calvus*

captivitatem scilicet, & depræ-
dationem incidit, & quæ reli-
qui omnes Romæ tunc miserrima
perpeffi sunt, ipse quoque à
fædissimis latronibus ærumnosif-
simo rerum omnium suarum exi-
tio pertulit. Nam cùm intolerabi-
lia, quæ flagitabantur tributa,
vir Codro, & Iro pauperior, sol-
vendo non esset, neque tamen
captivitate solveretur, rus Syl-
lanum ab hostibus tractus, fame
demum victus, vitam in xeno-
dochio quodam cum morte mi-
serrimâ commutavit. Sed bene
illâ de parte evenit Fabio, quòd
labores ejus Minitij Calui curâ,
diligentiâque editi, paucis ante
diebus, quàm clades illa in ur-
bem Romam debaccharetur,
immortalem homini gloriam at-
tulere: quod in Theodoro Gaza
longè diversum fuit, qui satur-
ninâ quadam iniquitate bonam
suorum fætuum partem absum-
psit. Tantæ enim ille eruditionis
uir, quantæ multis abhinc an-
nis nemo Græcorum, dicere au-
sim, etiam & Latinorum fuit, cùm
divinas propemodum elucubra-
tiones.

*Theodorus
Gaza.*

tiones in Aristotelis animalia, quam historiam Latine legendam repræsentarat, Xisto Quarto Pont. Max. nuncupasset, sperans scilicet Principis ejus beneficentiâ quæsitum per tot labores vitæ subsidium non deparcum se consecuturum: neque tamen plures quàm aureos quinquaginta, quasi magnum ab eo, à quo se totum inauratum iri speraverat, retulisset; studiis indignatus suis, quòd tam parca sibi laborum & vigiliarum suarum merces tributa esset, nummos eos primum in Tyberim abjecit, mox ipse hujus indignitate rei exulceratus, insolabili contabuit ægritudine. De dolore periit & Jacobus Constantius Phanensis, vir & literaturâ, & integerrimâ probitate insignis, qui bonas literas diutissimè docuerat; cùmque Pisauri honestissimâ cōditione profiteretur, in Mediceum incidit bellum, veritusq; Laurentij Ducis potentiam, quem rerum potiturum multò ante providerat, rebus suis familiaribus caverat, ut à militum eas licentiâ vendicaret.

*Jacobus
Constantius.*

caret. Namque in arcem Mondulphorum munitissimam argentum, aurum, vestem, libros, & scripta sua omnia asservanda transmiserat. Accidit autem, ut id præcipuè oppidum Laurentii Medicei Ducis virtute caperetur, vique ingresso milite nullo discrimine diriperetur. Quo ille accepto nuntio, cùm de scriptis tantùm suis sollicitus esset, neque ulla eorum recuperandorum spes adfulgeret, gravem ad eò molestiam ex eâ jactura contraxit, ut inde valetudine, & mox ore insolabiliter offensus gravissimè ægrotare cœperit, & mox, cum nullo modo dolorem exhauriri pateretur, jacturam laborum suorum immoderatus ferens, morbo, & cura eâ conflictatus occubuit. Perit & jactura rerum offensus Trypho Dalmata, vir cui nostra ætas rarissimos habuit, quos Latinarum, Græcarumque literarum cognitione conferre posset. Erat insuper Philosophiæ studiis deditissimus, in versu faciendo elegans, acutus, ingeniosus, & tersus, educa-

tas

Trypho
Dalmata.

tus Venetiis apud clarissimum
literatura virum Hieronymum
Donatum, mox Albertum Plum
Carporum Principem secutus,
reliquum vitæ tempus auspiciis
ejus transegit. Accidit verò ho-
mini aliquot ab hinc annis mania
species quædam Timonica, ut
humanum omne genus evitaret,
nulliusque contubernium ultra
biduum, aut triduum ferre pos-
set, quin etiam & colloquia ipsa
studiosissimè declinabat. Cujus
rei causam nonnulli arbitrantur,
quod aureos nummos circiter
quingentos infuerat toraci, me-
tuque perculsus, ne deriperetur,
ultrò omnes fugitabat. Vulgata
autem res erat, & ubi primùm
de torace suo mentionem fieri
animadvertebat, arrepto statim
itinere in alias, atque alias urbes
commigrabat. Accidit verò ut
aurum id surriperetur, quo ille
casu consternatus, efferatusque
propemodum, à seque penitus
alienatus, cum avertere à num-
mis cogitationem minimè posset,
dolore, & ægitudine oppressus,
miserabiliter defecit. Et quo-
niam

*Dominicus Sarra-
tonius.*

niam oratio me ad Venetos tran-
stulit, horum aliquot in hac urbe
vobis omnibus ob ingenium, &
doctrinam cognitissimos memo-
rabo. Dominicus Sarratonius
Venetus, non contemnendæ in
disciplinis omnibus eruditionis
politiorum literarum facultatem
sub M. Antonio Sabellico stu-
diosissimè fuerat affecutus, Phi-
losophiæ operam dederat non
indiligentem; Mathematicas au-
tem omni conatu sibi vendica-
verat. Erat insuper in homine mi-
ramorum suavitas, & jucundissi-
mus rerum, & sermonum le-
pos. Hic tamen cum apud gen-
tis Corneliæ nobilitatem &
otio, & sacerdotiis honestatus
esset, cœpissetque ad locuple-
tissimæ doctrinæ suæ fructus
maturandos animum applica-
re, incumbente in universam
Italiam contagione eâ, quæ
superiori æstate mortales lon-
gè plures abstulit, quàm con-
tinentia per tot annos bella su-
stulerint, eo ita correptus est
morbo, ut animi statim abalie-
naretur, deque nummis, quos in
man-

manticam conjectos lacerto suspenderat, loculo in interiorem tunicam immisso, delirio nescio quæ fabularetur, nullisque medicorum opibus adjuvari potuisset, Venetiis, non sine eruditorū omnium mærore, desideratus est. Multis uerò ante annis Bartolo- *Bartolo-*
meum Leonicū, cognomento Fu- *meus Leo-*
scum, agnovistis, cujus ingenium, *nicus.*
& absolutissimam eruditionem omnes admirabamur. Is cum Patavinum bellum, & totius regionis desolationem, incendia-
que devitasset, Romæ aliquan-
diu fuit; sed, cum nèque hic
otium, quod sibi proposuerat,
reperisset, in Cassinatem recessit
solitudinem, factâ illi à loci illius
monachis quiescendi copiâ: sed,
dum hic sperat scripta sua lucu-
lentissima maturare, & immor-
talem sibi gloriam compara-
re, paucis postquam illuc se-
cesserat diebus, rapidissimâ cor-
reptus febris, cum ægrotasset
gravissimè, valetudinis ejus vi-
olentiâ sublatuſ est, futurus
dubioprocul Leonico Thomeo,
germano fratri, non inferior,
si fa-

*Galeatius
Facinus.*

si fata eum diutiùs in vita esse voluissent. Patavinus etiam fuit Galeatius Facinus literis Græcis & Latinis optimè eruditus. Novistis enim hominem Romæ Hermolai Barbari contubernio nobilem, ejusque in re literariâ laborum socium. Is posteaquam Hermolai clade, mox obitu miserabili tanto est præsidio destitutus, Bernardo Rubrio Bellunensi tunc, mox Tarvisino Præfuli adhæsit, vitæ apud eum Principem subsidia nactus, & liberaliter tractatus. Sed enim vix in Tarvisinum otium se contulerat, cum molestissima cœpit hydrope si laborare, quo morbo menses aliquot conflictatus nullo jam otii sui oblectamento percepto, magnam per ægritudinem vitam finivit.

*Nicolaus
Iudecus.*

Nicolaum autem Iudecum domo Venetum nostras delicias Roma per tot annos coluit potius, quàm amavit. Meministis enim quanta in homine festivitas, quanta humanitas, quanta eruditio, quod rerum omnium iudicium appareret, qui cum Medici

cus esset eruditissimus, prudentissimusque, disciplinarum tamen aliarum notitiam absolutissimam præseferibat. Hic post partum per tot labores peculium, militibus impiis fortunas omnes suas se comparasse conspexit. In Romanam enim incidit cladem, & post amissa bona, etiam tributis exhaustus est, quibus cum re familiari dissipata non sufficeret, ære alieno obærat per menses aliquot vita per summam inopiam tracta, miserabiliter occubuit. Sed redeo jam ad nostros.

Pomponium Lætum ajunt, illum inquam tanti nominis professorem, & emunctæ vindicem

Pomponius Lætus.

Latinitatis post navatam per tot annos Romanæ Cathedræ operam, torque per universum terrarum orbem discipulos ad Eloquentiæ Romanæ puritatem propagandam dimissos, inopem ad extremum vitam traduxisse, oppressumque morbo, unde se aleret, & curaret, non habuisse, & in xenodochio susceptum extrema in egestate laborantem vita excessisse, periculumque adiisse,

M. Antonii Casanova.

adiisse, ut insepultus jaceret, nisi amicorum impensis elatus esset. Quid autem vobis miserabilem Marci Antonii Casanova finem memorem? cuius in Epigrammatis leporem, argutiasque, & elegantiam ætas nostra supra reliquos eo genere admirata est. Quamdiu autem Roma floruit, ipse quoque rerum penè omnium fælicitate affluere visus est. Post Romæ occasum, fædissimamque direptionem ipse quamvis acerrimus Columnensis factionis sectator esset, pro qua potentissimorum Principum inimicitias in se contraxerat, calamitoso tamen eo tempore, quo ea factio, Hispanis, Germanisque adscitis, in omnia Romanorum bona acerbissimam dominationem exercuit, nihil quicquam tale consequi potuit, ut à prædâ, & captivitate incolumis evaderet. Quin etiam in eam lapsus est egestatem, ut frustra panem etiam emendicaret; quo non inuento, fame, tabeque, & omnium rerum incommodis afflictus, expiravit. Miserabilis & Georgij Sauromani

Georgij Sauromani.

ni

ni exitus, qui vir natione Germanus ita literarum latinarum nitore ingenium expoliverat, ut in Academiâ nostrâ viri benè elegantis nomen assecutus fuerit; cuius rei scripta ejus nō pauca, quæ in hominum manibus habentur, testimonium exhibent. Is quoque in Germanos suos Romæ prædatores illapsus, atrociter exceptus, expoliatusque bonis omnibus, cum nullum haberet, qui ejus inopiæ subveniret, contactus insuper pestilentia est; ut eo impeditus incommodo non potuerit sese ex eo incendio aliò profugiens liberare. Mendicabundus itaque, & morbo confectus, uno tectus lineo, eoque lacerō indumento, dum panem ostiatim frustra flagitat, in viâ mediâ vi pestis, & famis impotentia exanimatus concidisse repertus est.

Joannes verò Coricius cur non *Joannes*
inter literatos reponatur, qui *Coricius.*
litteratorum omnium tam studiosus fuit, ut in Romanâ aulâ ab Julio ad Clementem usque nemo unus eo lepidius, sincer-

cerius, & amicabilius sit amplexatus, & ut quæ privatim commoda quotidie in unumquemque conferebat, prætereamus, universæ etiam academix, & omnibus, qui literarum nomine censerentur, geniales hortos suos ad Trajanum consecraverat, conventumque insuper, & quoddam rei literariæ certamen quotannis Divæ Annæ festo instituerat, longâque annorum serie celebrarat, quod tantum illi gratiæ conciliavit, ut nemo unquam Principum ætate nostrâ magis fuerit, quam unus Coricius literatorum omnium carminibus celebratus, verèque leporum omnium pater appellatus. Sed quò tandem evasit tanta in bonos omnes liberalitas? atque illa Coricii pietas, Poëtarum tot testimonio comprobata, totque eruditorum paginis decantata? Captâ à barbaris urbe, ipse quoque à Germanis suis captivus factus, fortunæ bonis spoliatus, gravique ære capite redempto, aureorum tamen vim quandam sub inferioris aulæ limine defoderat,

derat, fabro uno tantum conscio, qui cæmento locum obturaverat. Accidit autem, ut idem faber captivus factus pro se redimendo xxv. aureos à Coricio peteret mutuos, ille ne secretum proderet, quippe qui aliunde non habebat, unde eos expromeret, nisi ex defosso, perbellè negavit. Indignatus faber rem Hispano ductori, à quo in vinctulis habebatur, prodit; ille in ædes Coricij transmigrat, dumque hominem comparandis necessariis ablegat, aurum ipse domi de latebra eruit, qua re patet facta, cùm rei indignitatē Coricius apud exercitus Principes expostularetur, ab omnibus contemptus, elususque est. Hinc ad miserabilem redactus inopiam ægrè Roma aufugit, & Veronam appulsus, ut inde rectā in Patriam commigraret, æris alieni gratiā persolvendi, dum Calypti Amadei ejus urbis Propræsule liberalitate sustinetur, ibi in gravissimam incidit ægritudinem, qua confectus, & Romæ, & perditarum rerum desiderio exulce-

G ratus

ratus occubuit. Disertissimus autem omnium patronus Angelus *Cæsius*. Cæsius, quo non ardentiorē inagendis causis alium nostra vidit ætas, felicissimus & ipse haberi potuisset, tam ob divitias immensas, de patrociniis acquisitas, quàm ob numerosam prolem benè, honestè, sapienterque institutam. Paulo filio natu majore Senatoriâ purpurâ, pileoque dignato, reliquisque, prout uniuscujusque ætas, vel ingenium deposcebat, honoribus, & administrationibus honestatis, ut uno omnium ore gallinæ filius Albæ, Junoniûsque pullus appellaretur. Hic autem tantâ felicitate vir, quàm horribiliter vitâ jussus cedere! qui post direptam Romam, & fortunas suas accisas, cum opem fide, & sponsione suâ multis civibus attulisset, omnibus jam opibus exhaustus, gravissimis laboribus & incommodis defatigatus in atrocem incidit febrem; qua vexatus, dum in lectulo jaceret, ecce adsunt Hispani latrones, qui, moræ impatientes, promissum pro aliis auri pondus efflagita-

flagitarent, strictisque mucronibus ad ita laborantem irrumpentes, interminati cædem, nisi pecunias actutum depromeret, ita hominē perterrefecerunt, ut nō multi animi vir, linguâ potius, quàm manu promptus, eo terrore percussus, inter eorum minas horribili præ metu exanimatus, expiravit. Ajunt hominem, cū in acerbissimâ eâ rerum omnium calamitate, & inopiâ vitam suam deploraret, affirmasse Mathematicum quendam olim manum ejus, & genēsīm conspexisse, dixisseque eum in magna & egestate, & rerum omnium desperatione periturum. Se autem ad id usque tempus arbitratum, fieri quidem posse, ut aliquo rerum eventu omnia desperaret; quòd verò in inopiam eam, quam tunc extremam patiebatur, incursum unquam esset, ut crederet, adduci nunquam potuisse. Neque singuli tantum suos quisque manes passi, sed universa interdum Academia Romana in miserrimas incidit calamitates. Nam cū eorum plerique, Principum abjectis

*Academia
Romana.*

curis assidue dicerent. Habebant sibi sua Regna Reges, sodalitiumque Romæ ex bene literatis hominibus instituissent, statisque diebus ad eruditissimas cænas convenirent. Ecce nescio qua de causâ delati unâ omnes Pomponius, Calimachus, Poggius, Platina, & plerique alij coniecti in carcerem, quæstione de omnibus per cruciatus habita, pars diuturno carcere damnata, pars in exilium acta, pars ære gravi redempta, literatorum cladi-
bus insignem eum annum effecit. Fuit & sub Hadriano VI. pars bonarum omnium literarum infortunium. Nam cum is Leoni Decimo successus esset, ad quem utpote literatum Principem magnus literatorum numerus confluxerat, dum non minora de Hadriano sibi quisque pollicetur, ecce adest musarum, & eloquentiæ, totiusque nitoris hostis acerrimus, qui literatis omnibus, inimicitias minitaretur, quoniam ut ipse dictitabat, Terentiani essent, quos cum odisse, atque etiam persequi cæpisset, voluntarium

rium aliū exilium, alias atque alias aliū latebras quærentes, tamdiu latuere, quo ad Dei beneficio altero Imperii anno decessit, qui si aliquanto diutius vixisset, Gotica illa tempora adversus bonas literas videbatur suscitaturus.

Finem Petrosanctius fecisse videbatur, quia is expurgata, absterfaque nasi pituitâ sermonem ulterius non proferebat, cū sic excepit Cursius. Cur obsecro viri optimè literati Bernardini Capellæ obliti estis. An non is inter Academiae Romanæ literatissimos, facundissimosque Oratores reponendus, quem orantem toties stupuere rostra? An fortè is unus vobis felix videtur, quia in Romanam non incidit calamitatem, aliquot ante mensibus morte præventus, passus tamen suos ille quoque manes, ut Petrosanctii dictum usurpem, qui juventutem omnem per maximam inopiam traduxit; grandiori demum ætate Divi Petri canonicus Sacerdos factus, cruciabili mox podagra cœpit laborare, ut neque inde sibi, neq; amicis usui esse

*Bernardini
Capellæ*

*Cornelius
Benignus.*

posset, eoque malè habitus incommodo perplures annos, ab ejusmodi demum doloribus interemptus est. Optimè literatus fuit etiam Cornelius Benignus Viterbiensis, neque ipse prosperâ satis fortunâ usus: postea enim quàm Augustinum Gysium Senensem, Mæcenatem suum, apud quem in honore fuerat, amisit, vitam inde nullo solatio egit. Cui hoc in grandiori ætate accidit infortunium, ut clarissimæ fæminæ amore corriperetur; qua vexatus cura, in eam incidit ægritudinem, ut nihil aliud, quàm mulierem eam meditaretur; atque ita demum confectus ardentissima in febris, super ea semper & loquendo, & rogitando, decessit. Sed nolo ego multos commemorare, qui videam paucissimos omnino esse, quorum non memineritis; indignissimam tantùm unius adolescentis mortem, cujus animo meo dolor altiùs insedit, vestris his literatorum calamitatibus adnumerabo. Nostis enim omnes Joannem Baptistam Roborem, Bartolomei Grossi Saonensis viri

Io. Baptista Roboreus.

virū filium, dignum quidem, patriis qui lætior esset imperiis, & cui pater haud Mezentius esset. Is quidem incomparabilis ingenij, & probitatis adolescens, meus primū discipulus, mox & Pierii Valeriani nostri auditor, tantum profecerat, ut & eleganter, & acriter declamaret, & versus non illepidos faceret. Ad Philosophiam mox, & Mathematicas, studium omne suum contulerat, cum pater inexplebilis avaritiæ gurgēs, disciplinas has aspernatus, & ut inutiles detestatus, cum plerosque alios haberet filios, usum hunc tantæ in literarum studiis spei ad mercaturam retrahere conatus, invitum ad ephemeridas impulerat; cum tamen ille clam & bonarum artium studiis incumberet, & invito patre proficeret. Accidit ut Leonardus sacerdos Cardinalis Agenensis, Bartolomei ipsius germanus frater, non ignarus ingenij, quo præditus erat adolescens, subvenire illi, & necessaria subministrare destinarit, mercatusque munus Pontificias literas scribundi, id in

eum collaturus erat. Simul id
olfecit pater, fratrem aggredi-
tur; quò eat perditum adolescen-
tem increpat, qui tali auctus pe-
culio, sit omnia in sophistas ero-
gaturus; pervicitque, ut Lec-
nardus, qui præter aliquam le-
gum memoriam parum ulterius
sapiebat, avarissimo fratri fidem
adhibens, in eum munus id diver-
terit, Qua spe dejectus infelici-
simus adolescens tanta patris du-
ritiâ offensus, abjecta omni pro-
ficiendi spe, uxore nobilissima,
egregiæ formæ, ætatis floridæ,
incorruptissimæ pudicitæ, & a-
moris in maritum incomparabi-
lis, cum filiola, quam nuper ex eâ
fusseperat, derelictis, in militi-
am ad Venetos proficiscitur. Et
haud ita multò post ex otiosa
vita in laboriosissimam repenti-
nâ mutatione transgressus, tam
ob insolitas exercitationes, quas
non ignaviter obibat, quàm ob
edacissimas curas, & ægritudi-
nem ex rerum necessariarum ege-
state in lethalem incidit morbum.
Neque sic motus pater, ut in
extrema inopiâ probatissimo fi-
lio

lio subueniret, supplicantibus amicis, & consanguineis omnibus, ne tantæ probitatis filium perire fineret. Jo. Baptista demum vix tertium & vigesimum egressus annum, Asulæ vitam finiit infelicissimam, non aliam ob causam ab immanissimo patre destitutus, abjectus, & propemodum exhæredatus, nisi quia literarum studiis, & in omni virtutum genere erudiri concupierat. Erat verò Bartolomeus is postremæ aded tenacitatis, ut miserrima omnes dōmi fame maceraret, quo incommodo vexati etiam filii reliqui tam pueri, quàm adolescentescens, coacti vocationes in triuiis quæritare, & à clientibus cibum emendicare, eò omnes prolapsi, ut ex inediâ domi, & voracitatè foris, duorū vix annorum spatio quinque numero, ad optimam omnes frugem, nisi pater obstitisset, peruenturi immatura morte præventi domum reliquerint solitariam. Quin proximis hisce diebus unus tantum illi reliquus erat filius, quem nobilissimæ fæminæ matrimonio copula-

rat, neque tamen tam locuples, tamque nummatus pater, tantillum de patrimonio conjugibus, in quibus omnis posteritatis suæ spes incumberebat, utendum permittebat, quantum ad victum, & vestitum, neque tamen nimium, sufficeret; ita hic quoque, cum extremam patris duritiam ferre non posset, Saonâ digressus, ubi cum patre habitabat, Romam abiit, necessaria sibi per aliquam industriam comparaturus: vixque vigesimo postquam huc appulerat die, Roma à barbaris capta, direpta, incensaque fuit, ipseque in eâ depopulatione desideratus, ingentes illas divitias patri custodiendas dereliquit. Non reticebo incomparabile feritatis exemplum, cum post quinque ferè continuata filiorum funera Bartolomeus Camillam egregiæ bonitatis uxorem, scires fæminam ex Carretâ familiâ natam, de filiorum orbitate insolabiliter sese deplorantem consolari vellet, dixisse eum: *Quin tu potiùs Diis gratias agis, qui divitias opulentissimas, quas filij tot luxuriosè*

riose abligurituri fuerant, solis nobis reliquerint perfruendas. Neque illud de homine prætereundum. Cùm Hieronymus Donatus, quo tempore hic Venetæ Reip. Legatus erat, instaret perquàm diligenti commendatione, ut eâ, qua apud Iulium Pontificem egregiè valebat gratiâ, Bartolomeus inopiæ Pierij, præceptoris liberorū ejus grandiorum subveniret; respondisse eum, desiderare se hominis eruditissimi prudentiam, qui de se talia conquireret, neque videret Deum injustum fore, si uni omnia conferret, rem scilicet, & virtutem. Eâ enim locutione ille literas intelligebat. Pierius inquit, vester disciplinas appetiit, eas consecutus est, improbus esset, si rem etiam affectaret. Quando divitias his tantum tribuere debet Deus, qui nullo virtutis adminiculo suffulti, nisi rerum ope sustentarentur, facilè corruerent. Eo tamen absente, cùm filij sacerdotium in Divi Petri Basilicâ præceptorī procurassent, quàm primùm pater è peregrinatione,

natione, qua Julium Bononiam, Ravennamque secutus fuerat, rediit, gnatos nunquam malè habere destitit, exilium iis, exhæredationem, & extremam patris detestationem interminatus, donec, quod in actis Romani fori constat, sacerdotio illi Pierius abiurare cogeretur. Causam vero eam filios instruendo subiciebat summæ rusticitatis homo, Clientes si quos frugi habeas, in spe, & egestate continendos, ne, cum fuerint per liberalitatem tuam egere vetiti, eorum mox officia desideres. Finem hic fecerat Cursius, interquiescebatque omnium sermo, dum alii juvenis infelicissimi casum indignissimum miserantur, alii patris immanitatem tacitis conviciis lace- rant. Cùm Melinus ad Granam, & Colotium conversus ait. Multa quidem exempla literatorum infelicia recitastis, sed obsecro cur eos tantum calamitosos existimatis, quia vita cesserint sine haud satis auspicato, cùm longè miseres plerique sint, propterea quod vivunt, quique fatum illud

illud quaecunque mortuis invident, eorumque potio-rem sortem æstimant, quod cruciari jam desierunt, cum literatorum conditio omnis, quoquo te verteris, eò redacta sit, ut nihil jam lætabile usquam superfit, ita universæ terrarum orbis ad arma, ad rapinas, ad incendia concitatus est, ut locus jam non nisi perfidis, & latronibus superesse videatur.

COLOR. Mecum sentis Meli-
ne, qui dictitare non desino nihil
homine literato, qui nunc vivat,
infelicius. Nam extinctos hos,
quos infelices appellitavimus, nō
modò non infelices, sed etiam be-
atissimos heri Contareus esse
conprobavit; sed quin ego, quin
Lælius, quin noster Pimpinellus,
quin Cursius miseri esse persua-
sum habeamus, & revera simus,
non Contareus, non Plato,
non Socrates, non Epictetus ip-
se nobis unquam persuadere po-
terit. **MELIN.** Video quàm va-
stum pelagus ingressuri sumus, si
vivos recensere aggrediamur,
quod quidem nequaquam sine
magnorum hominum invidiâ fie-
ri

ri potest : quare navigium potius inhibeamus , & ad sermonem nostrum revertamur , idque primum omnium nunc à te peto mi Coloti , ut qua ratione Contarenius tam ærumnosos viros felices esse dixerit, exponas ; quod si mihi quoque persuaseris , vide quantum profecturus sim , qui dulcissimorum duorum fratrum Hieronymi , & Celsi, obitum immaturum lamentari tandem desinam. Scis enim , quanto indies magis eorum afficiar desiderio , neque tam longo temporis intervallo jacturæ hujus memoria deleri potest. C O L O T. Dicam, mi Petre. Meministi quæ Pollio dixerat , nihil se putare infelicius , quàm scire literas. Eandem ille sententiam sæpè repetiverat , ut jam non joco hæc dictitare , sed ita prorsus sentire videretur. Nō passus Contarenius tantâ probitate virum , tamque amicum in errore versari. Non rectè , inquit , ut mihi videtur , hæc interpretaris Pollio , qui revera putes literatos homines eâ de causâ calamitosos esse , quòd , uti hodie patuit,

patuit, tam multi in ærumnis, & incommodis vitam egerint in suavem. Ad hæc subjecit **POLLIO**. Quanam igitur de causâ ærumnosum quempiam existimabimus, si calamitates hominem non infortunant? **CONTR.** Atqui asseverare ausim, neque calamitates quidem ipsas ius ullum in literatos sibi vindicare. **POLL.** Literati tamen, maximè omnium uti passim videmus queruli, vices ferè omnes deplorant suas, non hoc utique facturi, si nulla possint injuriâ labefactari, aut, quod maximè indignum est dictu, literatos ut injustos, cogemur accusare. **CONTR.** Neque quidem velim hanc iis notam inuras. Injustitia enim imperitorum propria est. **POLLIO**. Quid? omnes igitur decipimur, qui, quod opinamur esse malum, libentissimè declinamus: quod bonum, & commodum, studiosius appetimus? **CONTR.** De bonis, & malis alia est consideratio. Sed utrū, quæ consensu omnium mala dicuntur, tanti esse possint, ut literatum quempiam ita evertant, ne
ulla

ulla eum inde res ad æquitatem animi possit extollere, & in magna quantumlibet mœstitiâ, & rerum omnium desperatione nullus sit levationi locus, id hodie quæritamus. P O L L I O. Si quis hoc ex me quærat, responsum ego faciam cum Terentio: Facile quidem nos cùm valemus, recta consilia ægrotis damus. C O N T A R. At si ratio ea sit, quam negare nemo possit, nonne literatum potius rationi pariturum, quàm impurum aliquem, & imperitum opinaberis? P O L L I O. Sanè quidem. C O N T A R. At obsecro videamus, ne Platonis nostri præcepta transgrediamur, priusquam de re dicere incipiamus, quibus terminis infelicitatem ipsam circumscribas. An id ex doctorem, atque adeo sapientium sententiâ, an ex vulgi opinione, an potius ex eorū iudicio, qui se ita affectos deplorent. Multa siquidem eruditis viris infelicia existimantur, quæ imperiti omni anteponunt beatitudini; multa damnant, & ludibrio habent imperiti, quæ sapientes
 vel

vel non mala existimant, vel etiam ad tranquillitatem animi facere prædicant. Ipsimet demum nostro, de nobis, deque rerum nostrarum judicio fallimur, neque veram plerumque rationem internoscimus, per quam ad infelicitatis declinanda incommoda iter aggrediamur. Ita sumus omnes, quid petamus nescii, ut assertoris nostri dictum interim usurpemus. An non dicere solent magnæ sapientiæ viri, cum nos armant fortitudine: Quæcumque vel sunt, vel accidere possunt, vel tua sunt, vel alieni juris? Tua est voluntas sola, reliqua omnia aliena, honores quippe, divitiæ, valetudo, fama, lucrum, & alia quæ mortalium mentes assidue sollicitas habent. Quæ igitur aliena sunt, nihil ad te, non enim in potestate tuâ sunt, sed vel apud Deum, vel apud homines habentur, qui si quid eorum, quæ concupieris, invideant tibi, vel quæ possidere arbitrabaris, adimant, tuum est sive velis dolere, sive nolis. Atqui dolere velle de iis, quæ in aliena sunt potestate, sibimet

sibimet inferre est injuriam; non igitur infelix, nisi qui se infelicem esse vult, & quæ plurima in hanc sententiam disputat Epictetus.

COLOT. Argutè quidem, ut soles, rem ad Peripateticos traduxisti, qui velis de locutione simplici, & in omnium ore uno acceptâ significato, plures perquirere significantias. Sed me fortè non capis, Cōtarene, qui putes me hodie sermonem hunc auspicari voluisse, ut utrum literati, quos memoravi, verè, nec ne habendi sint infelices, disputarem. Quare quoniam quæstione propositâ, quasi ad utrumque, vel in utrumque, paratus es dicere, novi enim ingenij tui acumen, & promptitudinem, quæris quo ego termino. infelicitatem includam, non dubitabo, rem à multis in diversum distractam, uno nodo colligare, idque infelicitatis nomine circumscribere, quod cuique aut præter spem, aut præter votum, aut præter dignitatem acciderit. Neque velim ed me compellas, ut si quid horum cuiquam acciderit, eâ de causâ Cajo non
ad

ad infelicitatem adscribi debere, quia Sempronio id benè cefferit, aut istale quid fusque deque fecerit. Esto igitur, qua de agitur, infelicitas vitæ, ut uno omnia verbo colligam, Miseria. Eâ enim locutione eorum omnium vitam complecti videmur, qui vel suo, vel aliorum iudicio, eam sortem sortiti sunt, quam misereri debeamus, siue nos iis meliora cupierimus, siue sorte illi suâ minùs contenti, vel æqui fuerint. Sed, ut omnem scrupulum eximam, dispescitur hæc caussa certis capitibus, quorum illa præcipua, dum loqueremur, fuisse mihi visa sunt. Infelices enim dicebamus, aut si vocabulum alterum magis placet, miseros eos accipiebamus, & intelligebamus, qui meritis honoribus defraudati essent, qui gravibus, aut longis morbis afflictati, qui bonis spoliati suis, qui captivi perierunt, qui egestate oppressi inopem traduxere vitam, qui de spe deciderunt, qui sibi mortem conscivere, qui ab aliis trucidati fuerint, quorum fama notâ aliquâ insigniori
conta-

contaminata est. Hæc siue con-
temnant, siue patienter ferant vi-
ri, utcunque ingruerint, felici-
tatis cursum interturbare existi-
mantur, & quàm studiosi omnes
affectant, tranquillam illam otii
quietem contaminare. Nemi-
nem enim ego tanta præditum
prudentiâ, tantave corroborata
sapientiâ perspexi, ut hu-
manæ vitæ incommodis, quoties-
cunque ingruissent, non afflige-
retur, contrâ secundis non exul-
taret. Marcus Tullius multa
quidem præclare, & egregiè de
patientia, de contemptu adversæ
fortunæ disputare noverat. Ex-
ilium tamen illud suum ubique
diutissimè deplorat, & sui tem-
poris calamitate lamentanda
mollis, & propemodum effæmi-
natus apparet. Ulyxes, qui ab
Homero pro exemplari virtu-
tis, & sapientiæ proponitur, to-
ties itineris sui difficultates, æ-
rumnasque varias acerbissima
querimoniâ deflet. Æneas quo
non fortior, neque constantior
alter à Marone describitur, sæpè
tamen altum corde dolorem pre-
mit,

mit, sæpè idem irarum fluctuat
æstu, & humanæ conditionis in-
commoda humano more conspi-
citur ingemiscere. Quare non
humanis moveri casibus, ferini
ego ingenii, imò faxei, & omni
sensu carentis esse judicari. Hæc
cùm dixissem, & ridibundo fa-
teor vultu omnes in faciem intue-
rer, utrum quæ dixeram, appro-
barentur, necne, scilicet expe-
ctans, factus enim eram hac di-
ctione gloriosior, Contareus sic
excepit. Atqui mi Coloti, neque
ego, neque eorum quisquam qui
~~ædè mē avarisnoias~~ differuerunt,
calamitates eo ponunt gradu,
ut sint ab hominibus appetendæ,
eas tamen, cùm ingruerint, aliis
exitiosas, aliis non admodum
graves esse dicimus, etiam si pa-
ri linea exæquentur. Sed unum
vobis afferam exemplum vitæ
in omni, diuturnoque labore
tranquillissimæ Urbanum Vale-
rianum Bellunensem, Minorita-
num sacerdotem, quem nos ferè
omnes, quotquot Venetiis profe-
cimus, non tam literarum Græ-
carum præceptorem habuimus,
sed

Urbanus
Bolzanus
Bellunen-
sis.

sed & tranquillæ hujus vitæ rarissimum exemplum, quo admoneamur in manu nostrâ positum, utrû laboribus, & aliis incommodis mœrere, an delectari velimus. Si quis enim peregrinationem omnem & miseram, & ignobilem esse dixerit, quàm miser hic toto vitæ cursu fuisset, qui, ut literas eas, quas postmodum ad extremam usque diem docuit, per universum ferè terrarum orbem quæsit, longis, & laboriosis ad nos peregrinationibus reportavit. Non ille Ægyptum, non Palæstinam, non Arabiam, & Synam, quas non vel pedes inviseret, dereliquit: totam peragravit terram Græciam, Siciliam perlustravit, Æthnam ita difficilem, periculosumque montem, incendiij causas exploraturus, bis inscendit, deque supremo crateris labro totum cavernæ cavum inspectavit. Constantinopolim, & universam Thraciam invisit, Mæcenatem suum Andreæ Gritæum, pro pace Oratorem à Senatu Veneto missum, secutus. Tantum verò abfuit, ut ille calamitosas

mitos pergrinationes existimaret, ut senio jam gravis voluntariâ singulis annis exercitatione Provinciam modò hanc, modò illam inviseret, constitutum habuerit: neque unquam in vectus equo, nisi per aliquot passuum millia, eo anno, quo ad osculandos discipuli olim sui Leonis Decimi, novi Pontificis, pedes, huc advenit, quo quidem in itinere nullum se passum incommodum dictitabat, nisi, quòd equo in vectus est per saxosam Æssisij viam. Quos igitur alius quispiam itinerum labores in calamitatum genere collocaret, hic inter oblectamentorum suorum species enumerabat. Paupertas autem cui non invisa, cui non damnata servitus? Quis verò Urbano pauperior unquam fuit; qui nullum unquam trientem in usum proprium reposuerit, qui ne de laboribus quidem, quos docendo subibat, minervale unquam ullum à discipulis poposcerit, oblatum verò accipere recusarit; nisi magnâ de causâ cogeretur, quod & rarò & perparcè faciebat.

bat, De servitute verò quid dicam, cùm à puero sacris illis initiatus, neque somnum, neque cibum arbitrio unquam suo ceperit, neque tamen vel tantillum ullo unquam tempore id ægreferrè visus fuerit, vita eâ contentus, quam semel elegisset. Quis verò tam fortis animi est, ut honores aspernetur, qui non imperare potius aliis, quàm obtemperare concupiscat? At Urbanus summa semper humilitate delectatus, licet Alexandri Pontif. Max. tempore Sansonis antistitis sui impulsu ad honores invitaretur, & à Leone Decimo nihil non impetrare potuisset, maximi beneficij loco à Principibus poscere solitus est, ut se in sui ordinis paupertate esse finerent. Neque unquam adduci potuit, nisi per assiduas expostulationes, quas Petrus Lucignanensis ejus Cænobij Præfectus, in quo supra quadraginta annos victitaverat, quotidie obsecrando ingerebat, ut ejus loci curam suscipere dignaretur, venerabilis tandem senis precibus expugnatus, qui digni-

dignitate sponte desedebat ob
ætatem jam decrepitā, & ad hu-
jusmodi curum minùs idoneam,
non quasi imperium is acciperet,
sed quasi jugum subiret, Antistes
loco factus est. Verùm ubi Petrus
humanis cessit, nihil contatus
Urbanus alterum sibi suffecit,
seque in ordinem redegit. Ho-
ratianum illud identidem repe-
tens.

*Qui simul aspexit, quantum dimissa
petitis*

*Præstent, maturè redeat, repetatque
reliq̃ta.*

Hunc quispiam igitur aut mise-
rum, aut infelicem appellet, quia
laboriosam semper vitam egerit,
quia pauper, quia inhonoratus
vixerit, cum omnem ille felicitatis
suæ summam in assiduis labo-
ribus, in paupertate, in privata
vitæ humilitate collocarit. Se-
nectutis autem incommoda,
quam non modò patienter, sed
etiam hilariter tulit, seu necessa-
ria subministrarentur, seu dees-
sent multa, quod plerumque ac-
cidebat, æquè contentus ad in-
commoda omnia adridebat. Quin

& moriens vultu ridibundo, verbisque jucundis, quasi placidissimo somno se dederet, occubuit, quartum circiter & octogesium natus annum, Pontificatus Clementis Septimi anno primo, inoffensâ per tot labores valetudine semper usus; nisi quod superioribus annis, dum hortuli sui arbores ipsemet reconcinnabat, fallente scalarum lubricitate corruerat, & crure aliquantulum læso, ad longinquas illas peregrinationes non amplius idoneus fuit. Is igitur felix in tenui re, in laboribus, in longâ senectute, quam plerique morbi vocabulo nuncuparunt, felix inquam fuit, quia felix esse voluit, qui non morosus, non difficilis, non multivolus fuit, & paucis, minimisque rebus contentus, eorum irridebat cupiditatem, qui vitam miseram ideò agunt, quia miseri esse volunt; quòd si eos fortunæ rivus inauraret, aliquid adhuc, quod assidue quererentur, excogitarent. Atque hæc de voluntate nostra dicta sufficiant. Quòd verò in aliena potestate situm est, cui natura

tura ipsa subiacerere cogitur, neque non incommodum negare non potest: occidi quippe, vulnerari, infamem traduci, excruciarimorbis, spe falli, suo fraudari præmio, tam sunt unicuique homini propria, ut ad huiusmodi clades, & ignominias natum humanum genus omne videatur. Communis hæc calamitas, neque literatis tantum, sed & imperitis, & obscuris, & nobilibus æquè distributa. Sic Reges, sic Sellularii, sua quisque sorte aliquo affliguntur tempore. Quod si quis literatos immunes ab iis claudibus esse cupiat, aut indignū clamet, eos talia pati; indignū etiam dicat eos humanos fuisse, si humanæ eos subjacere conditioni nolit. Quare bone vir Coloti, cum de literatorum infelicitate dictionem proposuisti, eo mihi errare visus es, quod non potius de humani generis calamitatibus dicturum te nos admonueris. Tam enim fieri posse puto, ut quisquam, dum vivit, aliquo non angatur incommodo, quàm si quis operam det, ne flumina de-

orsum fluant, aut sursum ignis feratur. Quare desiste jam infelicem literatorum sortem lamentari, & iis potiùs gratulare, qui non ut reliqui sint fortunæ penitus emancipati, multaque habeant sua, quæ nullâ possint illius injuriâ prouerè. De iis enim loquor, qui viam sibi ad immortalitatem per ingenuos labores suos aperuerunt; qui vitam non modò iis, quos coluerint, & celebres esse voluerint, comparare potuere sempiternam, sed in primis duraturum sibi monumentum immortalitatis excitare. Quodque Deus ipse, Deus inquam solus præstare fertur, ipsi ingenio suo freti, Dei tamen afflatu adjuti, valeant omnem invidi temporis edacitatem superare. Hinc meritò exultat Flaccus noster, cùm suæ sibi conscius virtutis, ita emodulatur:

*Exegi monumentum ære perennius,
Regalique situ Pyramidum altius:
Quod nō imber edax, nō Aquilo impotēs
Possit diruere, aut innumerabilis
Annorum series, & fuga temporum.
Non omnis moriar, multaque pars mei
Vita-*

*Vitabit Libitinam. Usque ego postera
Erescam laude recens ; & quæ se-
quuntur. Gloriosè quidem , sed
quæsitâ ex meritis superbiâ. Ita
& Naso in Octaviani Cæsaris
invidiam exilium consolatur
suum; Pierio cū concitus æstro
clamat :*

*Iamque opus exegi , quod nec Iovis ira,
nec ignes ,*

*Nec poterit ferrum , nec edax abolere
vetustas .*

*Cū volet illa dies , quæ nil nisi corpo-
ris hujus*

*Ius habet , incerti spatium mihi finiat
ævi .*

*Parte tamen meliore mei super alta pe-
rennis*

*Astra ferar , nomēque erit indelebile
nostrum :*

*Quaque patet domitis Romana potentia
terris ,*

*Ore legar populi , perque omnia sæcula
famâ ,*

*Si quid habent veri vatum præsagia ,
vivam .*

Ita Propertius se antiquis inserit
scriptoribus, cū post eorum no-
menclaturam ait :

H 3

Cynthia

*Cynthia quin etiam versu memorata
Property,*

Hos inter si me ponere fama volet.

Ita reliqui omnes tantam de futura huiusmodi immortalitate dulcedinem concepere, ut neque labores, neque damna, non incendia, non graves ruinas pili facere visi sint. Hinc est, quòd dum maioris cuiusdam emolumentum rationem habent, humana hæc quodammodo despexerint; alique ideo minùs cauti ad evitanda fortunæ tela, quia fortunam nihil penderint, cui, uti fastitare solitus Diogenes ipse, minaci mandarint laqueum, mediumque unguem ostenderint. Alii minùs ad rem faciendam vel idonei, vel diligentes, quia virtutes auro magis æstimarint, eruditione, & sapientiâ cuncta esse minora putaverint. In ignobilitate alii jacuerint, quia vel conditionem Regum suâ duxerint inferiorem. Quo enim quisquam velit, qui sana mente sit, noctes atque dies niti perstante labore ad summas emergere opes, rerumque potiri? si quàm brevis
ævi

ævi fit, meminerit. Nam qui hæc mirantur, inviti etiam ponunt, & eò suavius unusquisque vita de- cedit, quo magis humana hæc imbecillia cognorit. Quare nun- quam ego Hermolaum infelicem dixero, quòd pestilentia sublatus fit, quòd exul, egenisque aliquan- diu vixerit, quòd ubi cadaver ejus delitescat, ignoretur. Si do- ctissima ejus hominis scripta stu- dioforum omnium manibus ver- santur: vivit potius Hermolaus, vivetque felicissimus cum æter- na Plinii, Themistii, & Dioscori- dis fama, quòd maxima ejus pars, ut nuper Horatius exultabat, Libitinam evitarit. Vivet Ma- rosticus noster nulla mortalitatis peste labefactatus, dum bona- rum literarum studium aliquod permanebit; non enim ulla un- quam tabe corrumpetur illa Ve- neti nominis ingeniosa defensio, quam adversus Marium Volater- ranum, ejus Reip. vituperato- rem, tanta dicendi felicitate con- scripsit. Vivet ejus encomium ad Leonem Decimum, in quo non eloquentiam tantum, & artem,

verum & summam prudentiam, atque animi sui bonitatem ostentavit. Felix Carbo, felix Gravinna, qui tantâ ingenii ubertate scriptis suis immortalem gloriam sibi compararunt. Neque virum doctrinâ summum Christophorum Marcellum quisquam ærurnosum dicat, dum vita ejus, per summam innocentiam peracta, in omnium memoriâ erit; dum homo sciendi cupidus sese intus, & extra voluerit explorare; dum erit inter homines pietas, & rerum omnium arcanarum doctrina conquiretur. Augusti Valdi scripta fortè perierunt, sed ejus memoria doctissimorum, & eloquentium hominum testimonio celebrata, eum nequaquam ignobilem, aut calamitosum patietur. Neque obscurus erit Fabius Ravenas, dum bonæ valetudinis inter mortales cura, studiumque, Hypocratesque ipse permanebit; non M. Antonius Sabellicus, non Camillus Portius, non Janus Parrhasius, non Paleotus, non Carteromachus, & plerique alij, quos diuturnâ valetudine

dine afflictatos commemoratum est, ærumnos in unquam mihi futuri sunt, dum eorum historiæ, eorum carmina, commentaria, orationesque tanto omnium studio, & admiratione læctitantur. Perierit incognitâ morte Flaminus, erepti inopino casu sint Georgius Valla, Andreas Mongajus, & plerique alii, scripta eorum tamen vivent, & in omnium doctorum animis perrennabunt. Abstulerit ægritudo Musurum, Beroaldum, Maronem, Gazam, Oricellarium, & quos nominastis viros magno numero literatos, superabit tamen eorum nomen, & cum sua virtute clari, tum eruditissimorum tot discipulorum pietate nunquam intermorientur. Desideratus ante diem sit Picus Mirandulanus, Paulus Decanalis, M. Antonius Turranius, Fuscus Cotta, Furnius, Celsus, atque Longolius, iidem ante diem beatissimam sibi immortalitatis gloriam peperere. At sibi met conscivere manus M. Caballus, Laurentianus Fortunius, Priulus, & ple-

H 5 rique

rique alii, aliqua igitur urgentissima sese molestia liberarunt, Caballum tamen ingenium argutissimum, Laurentianum eruditio luculenta, Fortunium dicendi lepos, abditorum cognitio Priulum æternitati commendabunt. Extant ejus juvenis tabulæ ad cæli Veneti normam castigatissime directæ; extant argutissimæ quæstiones de orbium coelestium numero, de planetarum situ, de epicyclis, quid illud tandem sit, quod ad hanc usque diem doctorum omnium ingenia fatigavit. At trucidati sunt Hercules Stroza, Paulus Bombasius, Mutius Arelius, totque alii clari literatura viri; trucidati Regestot, Imperatores tot, totaque Divorum nostrorum curia hujusmodi est eventibus repleta: neque tamen eorum quenquam infelicem arbitramur, cum ipsi met felicitatem suo quisque, longè tamen alio, quàm vulgi sit opinio, termino descripserint. Hos ego inquam nunquam miseros, aut calamitosos dixero, qui felicitate ingenii, honestisque laboribus,

ribus , & assiduis vigiliis id consecuti sint, id vitæ suæ præsidium compararint, quod neque fortunæ temeritas , neque ulla inimicorum injuria labefactaret. Saluete igitur Phœbi sacerdotes , Musarum alumni, qui divinum ingenium potius, quàm mortale corpus colere studuistis ; vestris nos manibus, dum in humanis erimus , semper bene precabimur , & industriam vestram, quod facere poterimus , interire nunquam permittemus. Hæc sunt mi Petre, quæ Contarenius suo illo erga literatos & ingenio præstantes viros , ardore concitus , nobis nudius-tertius differuerat ; ad quæ Grana quædam hodie repetiturus erat , non ut illam Contareni sententiam sapientissimè latam infirmare sibi proposuerit , sed ut affluentiori hominis facundiâ , prudentiaque perfrueremur. M E L I N U S. Sapienter quidem omnia Contarenius , neque ego spe fallebar , qui tanto studio audire hæc expectebam ; quare vobis immortales

tales habeo gratias, qui me tanti colloquii participem fecisti. Scio enim, quantum hæc me delectarit oratio, & præter voluptatem, quæ quidem summa omnino fuit, quem usum etiam inde si percepiturus. Sed unum, etiam si rectè memini, addebat mihi vesperi Pollio, accepisse se à Contareno, de accersendo in Italiam Cæsare consilium à Pontifice initum fuisse, id quorsum tendat, multa me faciunt ambigere. **COLOTIUS.** Hoc mihi mente exciderat, quia nihil ad rem, qua de loquebamur, faciebat. Sed si eum etiam sermonem audire vis, libens referam: ad me enim totus convertebatur, qui non aliâ de causâ desperatissima quæque de literis mihi proposueram, nisi quia metuerẽ miserrimi huius temporis statum propagari, Romanamque rem debilitatam jam propè, & extinctam existimabam: quem ne inconsolatum relinqueret Contareno, verba mea excipiens, & temporis huius ratione habitâ, quo ita perturbaba-

babamur, quod proximis hisce diebus tum maximè timuimus omnes, cū falsus ille rumor de summi Pontificis obitu divulgatus est, & tumultuosiora quædam passim divulgata. Quid enim non undecunque miserrimum expectandum erat, aiebat Contarenius, Republicâ in his perturbationibus jacente, in magna gladiatorum licentia, atque impunitate? Quòd si probatissimi Pontificis mors accidisset, nimirum de totius Italiæ statu actum erat, multaque intolerabilia locis omnibus accidissent. Sed te jam hoc metu libero Coloti. Heri enim Pontificem hisce oculis vidi, in quo omnia bonæ valetudinis adventantis signa perspexi, & quod indubitatum mihi salutis spem polliceri videtur, ipsemet suo de se testimonio bene sperare incipit, quod minime diebus superioribus faciebat. Quo quidem servato, non est, ut mali quicquam amplius vereamur. Quòd verò bellum teterrimum, periculosissimumque formidas, necesse est Clem-

men-

mentis consilia tibi patefaciam; qui Cæsarem in Italiam accersere decrevit, ut coràm quanti sit Christianæ Reip. concordia disputet, & quid ad summam ejus Principis gloriam faciat, ostendat. Atque ego quidem, qui superioribus annis apud ipsum Cæsarem Reipublicæ nostræ nomine Legatus fui, facile perspexi in ipso Carolo summam, & egregiam quandam bonitatem, mentemque in eo alienissimam ab iis rebus, quas legiones ejus ausu licentioso in Italiâ perpetrarunt. Velim itaque Coloti de quiete Italiæ, atque adeò de bonorum omnium tranquillitate benè sperare incipias, & ubi intellexeris Cæsarem in Italiam iter parasse, ad quem invitandum Pontifex unum ex intimis suis jam mittere destinavit, compositas res nostras tibi proponas. Eò enim omne Pontificis studium, cura, meditatioque contendit, ut finis tandem aliquis nostris calamitatibus imponatur, & militum hæc ferocia, quæ hactenus tam in socios, quàm

quàm in hostes grassata est, in nostræ pietatis hostes convertatur. Habes itaque Meline de Cæsare quid Contarenius sit pollicitus, & quoniam hora jam inclinatur, satisque tibi factum à nobis est, potes sine ullâ invidiâ nos dimittere. MELINUS. Mihi quidem maximè factum satis, quo nomine vobis debeo plurimum. Sed si apud me insuper cænaveritis, magno hoc addam superpondio. GRANNA. Non sumus hac vespere tecum neque ego, neque Colotius, cænaturi; paratum enim nobis est in Palatinis hortis apud Pollionem, ut inde ad Pontificem nostrâ de re locuturi ascendamus, ea enim est hora nobis dicta. MELINUS. Didici ego ex Pierio usitatissimum ejus dictum: Cave ne vel prodesse cupiens importunus amico sis. Quare ibitis, quando vestra ita res postulat, Pierius hospes meus est, neque inviti remanebunt Petrosanctius, Cursius, & Cathaneus, qui mecum amicum Romano cœlo redonatum gavisuri

184 Ioannis Pierii Valeriani, &c.

furi sunt. Ita discessum à duobus, nos quatuor apud Melinum mansimus.

D I N I S.



AMSTELÆDAMI,

**Ex Officina PETRI THEODO-
RII BOETEMAN.**

Anno 1647.

